



明詩紀事

貴陽陳田輯

辛籤

德翼字用昭德化人崇禎甲戌進士除嘉興推官擢

吏部主事有雅似堂文集十卷詩集三卷

四庫總目德翼人品清逸而學問未能精邃所作備吹錄之類大抵以鮑釘為工

陳子龍安雅堂集豫章文子詩傲而章直而和痛而不亂瑰麗詰曲而不詭於正其遠者刺當時之失抒

忠愛之旨其近者迫於憂讓長機之懷而其要曰不失於和平婉順

西江詩話用昭屢徵不出徜徉於五老二林之間者三十餘年工詩文

田按用昭知權變左良玉跋扈不禮督師呂大器用昭說鄭無王某文武固宜調和制府尤當尊崇公宜

先折節致禮以存朝廷之體王從之左乃修進謁督師之儀時以為善於應變

湧鉢寺

辛籤卷二十

我聞古佛鉢數里以為邊阿難拜其上笑如小蟲旋又聞如來鉢四際光層層羅什心計較極力不能勝復聞祖師鉢絕無化繆巧龍大鉢亦大龍小鉢亦小三鉢具神通也知色卽空恨不與其會散花滿鉢中益城普潤菴一鉢從地起雙龍拏爪飛捧出法王子法王法非法王子法亦塵法尙不足慕而况此鉢真似陶且似冶非金亦非鎗浩劫久沈埋頓為開士收開士者阿誰朽木道人是此剎建一竿禪和獲安止晦山大師來歎為大奇特題詩表章之壁上懸精墨酬和何紛綸辟支共聲聞十方一應器勒此墨花文鐘鼓尙未響此鉢

幸勿持如或喫粥了洗鉢更何疑

嚴子餐招飲湖舫同子問張晉侯梁景衡孫子操陸梯
武門震拒石

夢裏西湖老更來畫船那放故人杯鱗鱗細浪隨鳧浴鬣鬣
層松促燕迴五月楊梅纔半熟六橋柳色未全開清音不復
憐絲竹座上況多作賦才

朱芾煌

五首

芾煌字玉瑠無爲州人崇禎甲戌進士除餘姚知縣
改樂安入爲戶部主事謫順天教授遷國子博士歷
兵部主事進郎中有文嗜堂詩集二卷

四庫總目芾煌詩大都蒿目時艱詩多感慨如春愁秋懷諸篇紀明末朝政紛紜亂亡之象亦可見其大概

辛籤卷二十

二

田按玉瑠詩七言流利情致動人

偶過湯光祿伯衡城南舊園後屬曹孝廉環應亦復
作古感而賦此

楊柳隄邊去馬遲芙蓉江上憶當時每從窈窕傾君酒多遣
玲瓏唱我詞碧榭又更亭館額青山尙欠墓門詩湯休化去
東阿死斜月荒原一段思

季本之外弟過姚江夜話

官舍鐘聲起麗譙烽煙何幸阻寒宵可憐海國晴看月猶記
江門夜聽潮鄉夢欲隨雲其遠春愁未許酒能消朱家俠氣
今全減把手燈前慰寂寥

邀汪友仙樵部飲南湖煙水亭

孤嶼亭間秋氣疏山川指點到來初遊人草坐皆宜酒傲吏
江樓好著書蘭芷遠尋通楚畹芙蓉高臥接匡廬金錢少府
供輸急合向磯頭伴老漁

乙酉元旦

癸未甲申兩元旦聖駕視朝早於常期朝鐘
久鳴諸臣鞭馬長安街上趨朝不及又忽退
朝移時復出此事兩年如一當時人憂不祥之兆今
因夢記此真不禁泫然也

弓劍攀號恨未明天街走馬憶縱橫可憐昨夢朝元淚都入
東風作雨聲

江洲

長江夜靜起濤聲無限傷心對月明芳草春風隨處徧如今
只不到江城

劉何一首

辛籤卷二十

三

何字同人麻城人崇禎甲戌進士除吳縣知縣未任
卒

曹溶靜惕堂集同人以文體矜奇爲學使置下等價
憚入太學連舉鄉會試留都亭日與于司直共鞞帝
京景物略文筆詭異蓋亦服習竟陵派者

燈下竹枝詞

貂裘胡馬象裝車不是勳家是戚家笑上街樓簾盡捲遊人
團定候琵琶

凌世韶一首

世韶字官球歙人崇禎甲戌進士除福清知縣謫汀
州經歷遷嚴州推官擢戶部主事進郎中有炳沙草
沙頭呂貞婦龔氏

明月不在天下爲貞女心清寒入花骨夢向冰霜尋寥落殘
燈影沈吟破鏡陰苦辛嗚謝豹碧血染空林

張允掄 一首

允掄字并叔萊陽人崇禎甲戌進士官饒州知府有
希范堂集

勸惰

有男不知耕有女不知織昏昏惰廢人仰屋空歎息斯民生
於天自養各有力壯盛時幾何崦嵫景將逼君看原上霜坐
變芳草色

闕士琦 二首

士琦字褐公常德桃源人崇禎甲戌進士除南安知

辛籤卷二十

四

縣福王時起編修不赴有蟊蜮館闕山郎當等集

劉子驥

名士耽奇僻桃花信有無白雲丹竈古莫問武陵漁

崔婆泉

天風環珮杳何處度霓裳石髓無須吸崔家泉自香

潘世澄 一首

世澄保山人崇禎丙子舉人官萍鄉知縣

送吳山人

黃菊故人杯青山遊子路匹馬向垂楊回首燕雲暮

黃日乾 一首

日乾字聖因江甯人崇禎丙子舉人

小齋晝靜坐如年閒撥爐灰裊篆煙一尺綠陰蕉半展雨餘窗紙上蝸涎

余颺十首

颺字廣之莆田人崇禎丁丑進士除宣城知縣改寶應上虞徵授吏部主事歷員外郎中出為廣東副使

有蘆中集

蘭陔詩話季蘆從朱孕岡起兵被執禁獄中踰年得釋歸晚製鐵笛自稱老鐵蓋以楊廉夫自況也陳伯幾稱其詩可與少谷石倉三分鼎峙田按廣之近體音節悲壯多故宮禾黍之思

獄中夜坐贈林小眉二首

老被微名誤君方十倍才乾坤逢格鬪鳥雀任疑猜濁酒談

辛籤卷二十

五

無賴荒雞聽可哀長歌徒自損一笑落燈煤

無力支天地飄零委壯心何人堪說盡為爾獨長吟老馬疲關嶺窮窺望木陰角聲隨雨到雙鬢畏燈煤

懷方爾止

社鼠城鴉哭帝都臨江東望孝陵枯相韓五世悲公子哭楚三閭憶大夫鴻雁離魂銷皖口鶴鴿淒羽鍛南湖舊詩覓寄遊鱗斷水國茫茫歲欲徂

銷夏灣

夫差宮館迥吳關銷夏沈沈水一灣蘭槩風移香水沸杜梨雨溼錦帆斑館娃人去秋煙寂響屨廊空暮鳥還夜半江頭歌舞歇千年月冷見愁顏

拜戚少保祠

當年一旅下閩疆，殲絕倭酋罷戰場。父老今猶談事蹟，春秋時復奠蒸嘗。銅龍鱗甲蒼苔落，畫壁蟲蛇碧草荒。幾度嗚鴉飛繞樹，苔堯古廟煥山陽。

贈楊仁叔

兼山先生子

先公嶽嶽舊詞臣，上第京華謬結鄰。抗疏名曾齊四諫，捐軀事復比三仁。秋江明月思公子，春草他年望故人。欲解只餘雙短劍，未堪持贈爲防身。

喜逢周遠書

帝京昔歲曾交臂，馬首匆匆拂後塵。垂老相憐難閉戶，立談未盡覺傷神。兵戈閩楚頻年似，詩賦窮愁逐字真。君尙黑頭

辛籤卷二十

六

吾白首不堪相對客中身

閩鄰人弦歌

淒涼野館晝書長，肩響亮歌聲隔巷聽。鶴引雕笙臨玉宇，鶯迎碧管入紗櫺。詞人慣調河魚泣，樂府新編白雀翎。莫使更翻天寶曲，江州司馬淚如零。

可歎二首

湖草青青綴野橋，鷓鴣漠漠出迎潮。水碧簾外花如錦，復道行宮久寂寥。

南樓花鳥北樓煙，沸地歌聲動管弦。十載江南多恨事，筵中莫遇李龜年。

許承欽一首

承欽字漱石漢陽人崇禎丁丑進士官主事

德州渡浮梁

古驛紆山左長川抱海西
土風兼漢魏河勢割燕齊
鹿角關前樹平原嶺外雞
轉漕疲萬里雨雪看輪蹄

秦鏞一首

鏞字大晉無錫人崇禎丁丑進士除清江知縣福王時擢監察御史有參同閣集

和唐人惠山詩

探泉古亭下杉徑何青蒼
傍有碧山社上有尊賢堂
先澤半宿芥林鳥徒飛翔
雙井貯空碧羣柏栖幽光
飲泉有真味茗雜花香千載共遙企懷此不能忘

辛籤卷二十

七

莊元宸一首

元宸字起貞鄞人崇禎丁丑進士授南太常博士福王時遷刑部主事魯王監國擢吏科都給事中遷太

常少卿進本寺卿有因園集

續甬上者舊集魯王監國召莊公入朝公疏言殿下大仇未雪舉兵以來將士宣勞於外寒風凍冽雨櫛風編氓殫藏於內敲骨吸髓重以昔年秋潦全菑尤旱臥薪嘗膽之不遑而數月以來頗安逸樂益魚幕燕無時增憂則晏安何可懷也敵在門庭不及旦夕有深宮養優之心安得有前日借箸之事則蒙蔽何可滋也天下安危託命宰相左右如探囊有為承色笑則事權何不移也五等禁封有之深囊有為昔時佐命元臣所不能得者則恩賞何可濫也殿下試念兩都三殿禾黍秀則居處必不安試念孝陵長陵銅駝荆棘之慘則對越必不樂試念二王青宮之辱則撫王子何以為情試念江干列邦生民之慘則衣食可以俱廢疏入報聞而已公又言中旨用人之非乃赧王批政臣叨居科長斷不敢隨手奉詔王

不能用自是公累有封駁謝三賓皆納內待力阻之而馬士英又至王詹事思任等移嫩拒之又廷爭之不得公言士英不斬國事必不可爲不報於是公貽書同官林公時對言藁爾氣象似惟恐其不速盡者微區憂憤無時不痛心疾首以致形容骨立願得以死

絕命辭

故人唐魯公顛沛勿遽死事至不可爲終須一決耳苦心透層霄幽恨及沒齒而我同蹉跎下泉慚君子

錢朝彥一首

朝彥字殷求錢唐人崇禎丁丑進士除句容知縣改

車轉旌德

百轉過功德坊在西湖錢王祠

辛籤卷二十

八

百戰瞻烏日中原逐鹿時鯨鯢方建節虎豹敢交綬風雨侵車輶江淮照戟枝土人嚴伏臘猶自望旌旗

倪長圩一首

長圩字伯屏平湖人崇禎丁丑進士除蘇州推官遷

兵部主事

構李詩繫伯屏博學好古善書法

次曹秋岳年兄韻

守約安貧賤良朋辱過存吾衰誰與怨疑義幸逢論草上雨珠碎天邊弦月昏坐來更漏轉香滅酒卮痕

康范生一首

范生字小范安福人崇禎己卯舉人

梅村詩話楊機部殉節後云已無子有康小范孝廉來吳門攜機部在贛州詩十餘首并言其子尚在范與機部同事兵敗被縛下獄瀕死而免吳門葉聖野贈之詩曰盧謚流落劉公死回首章門一惘然亦俠烈士也

嘉定寓舍感賦

野寺門臨官教場荒郊日落客心傷書來異地傳新語人到
哀年憶故鄉有盡繁華頗看鏡無端寂寞強浮觴與君試上
高臺望幾處朱門變白楊

費經虞一首

經虞字仲若新繁人崇禎己卯舉人除昆明知縣歷
通判改桂林知縣有荷衣集

李調元蜀雅仲若當蜀亂之後獨能以詩學世其家
子密孫錫琮錫瑛俱馳名藝苑再傳不替可謂有鳳
毛矣

辛籤卷二十

九

歸田吟

家破猶餘半畝塘杜鵑嗥處柳絲長騎牛不到人間去白髮
蕭蕭晒夕陽

張琚一首

琚字居玉程鄉人崇禎己卯舉人

送陳醴源父子旋里

春辭五嶺去公向八閩歸明月照官路梅花飄素衣風塵終
不染宦海早知幾自買三間屋雲深鶴護扉

羅策一首

策字元升上元人崇禎己卯舉人

明詩紀事

貴陽陳田輯

辛籤

湯來賈 一首

來賈字佐平南豐人崇禎庚辰進士除揚州推官擢刑科給事中福王時改禮部主事出為廣東僉事遷布政使桂王立晉總制加兵部尚書有內省齋集三

十二卷

西江詩話先生分憲粵東過大庾嶺題壁云誓告山靈去不持一硯回此與趙清獻詩馬尋舊路如歸去龜放長淮不再來之意何異其廉德如此

懷孔登小亭左車龍交許師六

辛籤卷二十一

動息無所營蕭然似孤鶴幽棲疑踟躕懷仍廓落深林濯微雨寒泉鳴澗壑洗耳謝沈冥于焉守耕鑿

萬日吉 六首

日吉字元康黃岡人崇禎庚辰進士除崑山知縣有東有堂詩四集

禾嘉次黃甫及韻二首

萬里來戎馬孤帆沂水濱亂同天寶日饑似杜陵人蘭芷夷蕭艾鴟鴞薄鳳麟不知湖海氣蕭索向誰論

昔年同放逐載酒入鴛湖卓帽嘗為客青袍已誤儒饑寒墜晚節兵火送窮途不見如花女空林啼鴟鳴

贈陳交仲 其兄道隆子同門友令萊陽殉節

十年京闕憶同游，亂後驚逢嘆做裘。
天上故人星嶽列，湘中逋客杜蘅愁。
淚侵蒿里無乾土，薇種陽山有舊邱。
攜手送君荆柝路，沈寥風雨正悲秋。

弔傅寄菴相公卻寄令郎司理練

巧遲拙速定兵機，秉鉞當時事已非。
廟貌生前五夜建

公方治室

有馬生夢公舍旁建忠臣廟事在已卯八月
獄靈事後九天歸，歌成正氣星河爛。
魂返閒關雨雪霏，莫怪誅求貧徹骨，前賢遺得故山薇。

深柳堂偶集

漫勞仲舉掃階蕪，鸞鳳何年集帝梧。
處士林荒彭澤縣，騷人怨落洞庭湖。
黃巾白馬關心切，碧海青天望眼枯。
濁酒數升潦倒後，不堪衰柳夜啼烏。

辛籤卷二十一

二

考叔出關阻雨留宿

十里城隅若遠游，隔關未許汎歸舟。
圖時管葛人何在，失路機雲我獨愁。
夜雨匡床連一被，春燈草具泣雙囚。
饑驅日久商行役，應識陽山是兔裘。

來集之一首

集之字元成，蕭山人。崇禎庚辰進士，除安慶推官，遷

兵部主事

春日雜詠

紫萸乘春風，一夕長數尺。
嫣然滿架花，取之餽賓客。
樽酒開綺筵，歡呼動華陌。
經年不成寸南山，見松柏匪復競短長。
聊以俟匠石，寥寥百載間。
棟樑熠金碧

單恂 二首

恂字質生松江華亭人崇禎庚辰進士除麻城知縣
有竹香庵瓶庵枯樹齋三集

陳繼儒眉公集質生函慧根食靈氣從作者機杼外
別搆出清麗新聲

松風遺韻陳臥子云質生為人風調雨順舉止疏拔
溫度雅論宜於人倫詩篇明瞻動以朗潔至其寓意
雅尚西崑故綺閣之愁習香奩之頹遇一音傳怨絲
竹成灰數言觸懷脂粉遙斷思婦聞之掩心羈人過
而疾首矣

靜志居詩話質生詩力埽陳言濃而不膩

田按雲間幾社詩派競尚穠麗質生才華跌宕可與
三子分席臥子作質生竹香庵詩序本集不載當為
王蘭泉搜輯所遺耳

避跡友人溪舍自遣

睡起持頤住野塘燕墟楚堞思茫茫釣輪傍客啣啞晚暮簞

辛籤卷二十一

三

留僧膈膊涼陰砌沙雞吟尚溼斷畦蒲鴿摘來香比鄰盃盡

愁新秣省我秋時茂世畢卓字忙

新夏郊居

新荷貼渚細田田白蜨參差白鳥眠釣艇繫時蒲颭水縲車
聲外麥籠煙閒來茗椀留僧鬪老去詩筒畏客傳睡起刺桐
花畔立繡鞞金絡紀當年

徐芳 三首

芳字仲光南城人崇禎庚辰進士除澤州知州有松

明閣詩選懸榻編

今世說徐仲光日吾儕如鳥中子規自是天地間愁
種

西江志仲光官澤州以治行第一徵入國朝與友
人鄧廷彬入山偕隱或出游以資食則操技術以往

不輕謂公卿平生著述甚多縣令苗蕃選刻其十之
一名曰懸榻編
龍性堂詩話徐仲光云詩之道以氣格爲上而結構
亦不可遂輕以性情爲先而聲響亦不可遂廢詞莫
陋於繆賢而徑率之句亦不可謂之自然境莫妙於
目前而凡俚之言亦不可名爲真至韻而不靡理而
不窳淡而不枯工而不詭使事而不流於雜談理而
不墜於腐模古而不傷於痕蹈空而不病於鑿亦作
家之言也

灘舟吟

閩溪十九皆灘險絕天下跡其阻峭宜同弱海而乃
有舟以相凌抗始作備者誰氏之子哉卽類而推天
下之大何所不有因度燕子巖走筆識此

稜稜齒石撞舟立舟子蕩舟刺石入石來搏水水搏舟短棹
輕翻去何急風濤出沒虬螭奔光怪驅馳雷電熠咫尺分明

辛籤卷二十一

四

隔生死浮沈何處費呼吸老人搖目誠無譁雜客乾唇不暇
泣吁嗟行險理宜然巧與危鄰慎所習
上河晚眺

不踐龍津道於今二十年蔣山空遠岫江浦自蒼煙晚綠餘
隄柳寒香賸渚蓮後庭花莫唱容我暫流連

秋日同林孔碩登鼓山宿白雲堂卽事

蠟屐兜輿互換行石門深去可憐生幽溪古樹濤無恙東壁
寒泉雪有聲嵐氣半江秋水合毫光千佛夜燈明蹉跎未是
茅蓬料愧殺名山處處情

高承鈺

五首

承鈺字寓公一字澤外嘉興人郎中道素子崇禎庚

辰進士除遷安知縣改寶坻涇縣福王立遷工部主

事有稽古堂集

靜志居詩話先生表忠裏孝以父死不辜伏闕訟冤
絲綸奪者載錫三宰雷封各著循績而危邦墨守尤
文吏所難能惜乎功不賞至今寶坻父老有遺憾
焉家藏書八十牘與項氏萬卷樓爭富雖干戈俄擾
不輟吟哦其病中述志云惟將前進士慘澹表孤墳
讀者比之澤畔行吟西臺慟哭

秋夜卽事

細雨洗秋色薄衾增夜涼清吟銷暗火幽夢過殘香風靜鳥
棲樹溪喧魚跳梁殷勤念籬菊開到幾枝黃

寄懷徐春門

細雨黃花徑空山白板扉貧嫌生事拙病覺世情違獨釣尋
鷗夢相思數雁飛何時竹葉酒坐對薜蘿衣

辛籤卷二十一

五

同年盧牧洲陸鯤庭吳歲青陳澹玄方懷怙劉漪若楊

杏園張雷溪張翊明姚有僕先後殉難詩以哀之

數載同憂患一朝分死生殺身不再計全節有餘榮挂劍輕
千里悲笳動五更可憐李黼榜偃蹇老維禎

春除日洪慶之過飲

憐君臥病已經旬出郭尋春卻送春歸路只應乘醉眼楊花
如雪倍愁人

沙上人家

酒帘漁網繞蘋花矮屋茅茨住淺沙歸客春來休更問滿江
煙水又移家

吳中蕃

十一首

中蕃字滋大一字大身貴陽人崇禎壬午舉人桂王
立除遵義知縣擢重慶知府改吏部郎中有敝帚集

斷硯集

黔詩紀略滋大少年遊迹徧吳越多與其韻人倚士
縞紵往來故學行皆有根柢南薦賢書遭陽九殘
朝瀟宦抗志西山忠義文章推吾黔有明一代後勁
其爲詩直抒所見粗服亂頭不屑屑句採字鍊以爲
工而質厚氣蒼自然瑰異
田按滋大古詩深心妙理古趣今情桑海之際苦節
能貞可以激頹風挽薄俗集名敝帚可識其宏旨矣

緝雲寺湯池

寺廢亦已久池乃故湯湯萬松寺幽映百靈司泄藏遠自沃
焦山虛通峒谷暘雙持日月精吐滋沐浴光煙霧噴潮汐薪
盡誰爲揚燥溼互根柢因之變煥涼冰雪具春溫柳下而首

辛籤卷二十一

六

陽游鱗盡潑潑苔蘚亦蒼蒼造化恣神奇物理安可詳

別友

彭澤八十日余今四十辰心褊志不遐以斯愧古人知交惜
離別祖帳紛具陳座中誰最密心友與周親塞默各垂頭蓄
意難具申豈不憂貧賤未肯易其身得歸即可歸何必因鱸
蓴海氣吹寒霰酒至一再巡揮手辭金馬暮色促征輪

早春田園二首

邇來視稼穡頗識寒暑情百物置於後天地無能爭東林日
欲曙羣動乃多驚已飯闔雙扉緩步逐牛行牛旣羨草短子
亦快風清微暄醒雪氣泉心汨汨生一道淨練光去作溝澌
聲聽之遂忘夕日與桑煙平

候至物難靜高人亦未閒
晨疏吠畝道夕飲犢牛還
卽事賴區區庶免終歲艱
置身在天地苟食誠何顏
昨者經前陂枝頭色亦殷
沈魚上新浪清鏡飛白鷗
顧惟物我懷幽興未嘗慳
長歌散遙慮孤雲方在山

題許子儀所畫悶鷹圖

蟄蟲百中覓難程坐立鞞
縮氣尙橫飢飽隨人良可恥
久居鬱鬱若爲情側眼長
空自梳獠翎生蟻蝨神如
醉縱橫狐兔惱人腸幕南
一擊何時當人生最苦不
得意從來偏屬雄豪輩鐵
椎枉擊副車驚玉斗空擲
鴻門碎山人有觸涕滂沱
爲爾含毫費揣摩不寫皮
毛寫神趣聊將筆墨代悲
歌霜原草短剛風曙破壁
焉能留爾住還視山人尺
幅中俄驚變化通

辛籤卷二十一

七

靈去

茅屋爲春風所破

野情未已雷羣逐舞筇挂
樹如無屋癡妻失計牢閉
門雉子登床蒙頭哭旋石
如斗狂呼颶驅波塞竇勞
箕箒由來苦樂事莫同草
木猶道春風惠廢椽零落
只如許抬頭忽見天倚杵
憎教罄室列缺見蹶然一
笑流青電爲賀先生自此
升不然拔宅冲霄騰未盡
床頭三斗麥更向山椒覓
葛藤

題高楚芸所贈巫山圖

峽裏巫峰吾不見壁上巫
峰今識面誰能移置此堂
中高子楚芸心所變傳聞
巫山少一峰多年飛去大
江東今日盡飛來我壁攢
雲聳翠鸞鴻濛一峰未了
一峰起遠近低昂不相

似就中一峯直上天峻筆窮追得半耳漫言鴿鑽與鬼愁卽
今猶令滿堂秋耳邊嗁猿三聲淚瞿唐中斷無行舟何人拄
杖尋絕壁似置西枝草堂地數椽臨麓不曾關中夜得無防
虎至桃源巫嶺事相同雲雨知他第幾峰莫因宋玉荒唐說
不使襄王出夢中畫圖指似良有以世上山川幾類此甯教
尺寸礙人行未肯陉陀隨眾址洪濤巨浪激其根窟宅虛無
意鬼神萬古長江誰鎖鑰徒仗雙崖鎖北門

重陽夜坐

重陽見月能有幾昨日猶愁雨不止忽然菊影自塗窗涼氣
充庭天若水苦寒人失苦寒心花畔添夜夜已沈露重梧桐
隨葉墜暗貽清響答蛩吟

辛籤卷二十一
癸丑立春後二日

八

殘歷尙餘旬空傳已是春雪風方得意衣被不憐人老覺朋
儕盡愁聞歲事新韶光能有幾漫擲苦寒晨

落花

轉盼已殊前空勞泣斷煙過時俱腐朽多事是春天著地猶
成錦登枝又隔年茫茫今古恨試問樹頭鶻

秦淮月下

秦淮絲管最多情夜夜鳴鳴傍耳鳴有客抱愁階下立何人
擁棹月中行烏飛更向誰之屋駝臥行看汝在荆遙望孝陵
深一拜如聞天語念神京

弔方正學先生

木未荒亭伴冷祠何人到此不生悲要爭一字千秋是那顧
全家十族且浩氣豈隨藏血化存孤猶賴老天知大書史策
能無諱直待於今論定時

張璠 二首

璠字韞仲寶應人崇禎壬午舉人有木侍樓詩集

送何子歸京口

黃農無夢向人間刺滅懷中灑涕還寒荻白生江浦霧孤帆
青入海門山道塗變色多談虎風雪侵衣善閉關憶昔題詩
弔焦隱松岩爲覓薛花斑

焦山

瓦礫消沈古塔燈活人仙井蔓荒藤深山亦有興衰理來問

辛籤卷二十一

九

繩床百歲僧

郭萬完 一首

萬完字鞏侯龍溪人崇禎壬午舉人有旅聲詩集

壬子初度

週庚如石火拋擲果堪憐白髮療無藥青山到有緣蹉跎將
壽補衰腐冀言傳可似龍鍾竹平安又一年

趙炳龍 一首

炳龍字文成劍川州人崇禎壬午舉人桂王時用薦

授吏部主事遷戶部員外有居易軒詩文八卷

劍川州志文成以揚長知薦桂王除吏部文選司主
事遷戶部員外隨蹕至貴州安隆所孫可望殺畏知
文成歸隱向湖村之楸園吳三桂反脅以僞命避石
寶山中不出

小樓

小樓久不下一年春又深落花悄無語老樹自冬心酒熱偶看劍牀空還抱琴小兒強解事也學和陶吟

王儼通一首

儼通字龍門海門人崇禎壬午特用進士授刑部主

事以事謫福建布政司知事稍遷虔州推官福王立

擢刑部郎中有且園雜詠武陵遊集秋香園集

田按武陵奪情黃石齋論之帝怒甚南臺成公勇疏救石齋并下之理時宵人進主使之說欲以危長洲相國舉朝驚駭龍門治是獄謂網常名教三尺童子皆知何用主使卒從勇輕疑人皆噴指謂帝意且不測會帝怒稍解成降五級龍門亦降三級去時人祖道國門賦詩章以贈其行士論榮之

三元山

辛籤卷二十一

十

夙抱林壑姿每懷林壑癖維舟藉清陰登陟有深意雲來孤嶼青雨散大江碧醉吟聊自娛胡爲苦行役

周嬰一首

嬰字方叔莆田人崇禎壬午特用進士除上猶知縣

有遠遊編

蕭駘詩話方叔詩華整之中自饒流逸

豔歌行

暮春三月氣妍和神夷案晷鼓春歌陽林密葉生青葢陰澗新流起綠波綺陌三條芳草合金隄一望落花多從風弱質名絳樹奔月妖姿字素娥玫瑰樹下鬪運枝桃花水上舉可離凌波未覺污羅襪涉露甯知溼履絲同心綵結長不解合

歡錦帶復相貽徘徊河間數錢日徙倚邯鄲鼓瑟時玉柱朱
絃送嚴客珠鞍繡軸催行役垂楊旖旎含情朝藁星流亂可
憐夕漢皋已失入懷珠成都空問支機石榮華逝水不可留
惆悵浮雲徒共積

劉道開

三首 一題

古詩道開字非眼巴人崇禎壬午舉人有各夢草自怡軒
集擬寒山詩

蜀詩非眼入

國朝總督李國英重其爲人欲官之
走耕於野晚授徒漢中注楞嚴經自號了菴居士

山居

結茆亂山中古松覆茅屋松子屋上落白雲屋下宿三冬不
出門地爐燒檮柶一卷黃庭經卓帽蒙頭讀

辛籤卷二十一

十一

所居

何物清人耳綿蠻鶯有聲曉山雲外市春樹雨中城小艇堪
垂釣平疇足耦耕獨憐車馬客役役爲浮名

與桂白石奕

長日手談意自閒主人忘客客忘還局當清簾疏簾裏聲出
古松流水間雅集只須烹茗草堂還喜對秋山何勞局促
爭成敗好鳥時聞一破顏

李國相一首

國相字敬公號芋巖富平人僑居衡陽崇禎壬午舉
人有逸齋費詞

沅湘者舊集張賊陷衡徧索薦紳強以偽職不赴者
死芋巖引刀剖兩臂示不可用得免鼎革初白南嶽

轉徙山谷歲更其處晚築小室植桃數株稱桃鵝老人

哭夏叔直九疑

孤欄淪荒域生離一夢慳問天孤雁字無地釣魚灣挂劍情誰寄焚琴憾未刪蒼梧有舜蹟君志寄其間

姚宗典一首

宗典字文初長洲人崇禎壬午舉人

寓雲泉菴同澹游賦

老寺空村裏窮秋落葉深飄蕭淒暮色歷亂送歸禽落葉人誰掃斜陽僧自吟氣寒風戚戚天地肅爲心

錢默一首

默字不識嘉善人舉人旃子崇禎癸未進士除光澤

辛籤卷二十一

七

知縣改嘉定國變後爲僧更名成回字無

華道人有仲子集吹蕭草

魏塘詩陳道人生而癯削隆準明眸顛插入鬢望之絕似深山道流爲童子卽卻血肉好蔬食留心內典入九歲開口爲詩古文兀傲不可一世世所傳錢仲子集也

別長人居士

深山千萬重傾蓋得相逢習定空房月招魂霜夜鐘孤筇迎客到破衲倩僧縫揮手煙霄外寒雲第幾峯

宮偉鏐一首

偉鏐字紫玄泰州籍靜海人崇禎癸未進士有采山

外紀入燕集

廣陵懷古

順昌旗幟大儀同
卓角林邊將略雄
可是撼山資野戰
卻將堅壁佐膚功
荒郊古樹殘陽外
督陣元戎列騎中
虎旅六軍新駐蹕
肯教浮馬下江東

張若羲一首

若羲字吳東松江華亭人崇禎癸未進士

董舍三岡識略張帶三先生性高潔隱居菜花邨不入城市縑衣禪笠蕭然世外喜飲酒每從相知擘白縱談意氣甚壯然外雖類唐而內實沈照隱約玩世人莫能窺其際也子上己以新藟貽之先生答以一絕云聽聞猶記老狂生翠釀春燈眼倍明世事悠悠交態變緣楊深處儘埋名

靜志居詩話吳東爲余中表兄甲申以後躡身家巷躬自灌園余嘗訪之郊西適荷鉏帶笠相推於紫瓜白菟之間破屋數椽下一榻以留吳處士驥服相酬和詩思清厲有亮節而無儔響

杏壇

辛籤卷二十一

七

杏壇一席地尼山百世師
大道久鴻濛顯晦在此時
心齋而坐忘子淵名沈思
忠恕本一貫參也魯得之
中庸明性教千載未可期
苟非私淑人仁義將安施
淵源固有自今古常若斯
所以能自信抗言文在茲

包壯行一首

壯行字穉修南通州人崇禎癸未進士除南工部主

事有石園老人集

僧來復楞伽寺

荷花蕩西湖水深上有蘭
若當高岑客吟時見山鳥
下僧定不聞鐘磬音雨香
秋林橘子熟雲落空山棠
梨陰開來掃石坐竹裏靜
與山人論素心

祝之至 二首

之至字一 生洪雅人崇禎癸未進士有嚳談集墨戲
堂集

蜀詩一生蜀亂後入峨眉山為僧

雨後蒲亭道中

十曲蒲亭水春煙帶溼生泥侵雙屐滑雲漏一峰晴雨過天
如沐花香鳥自鳴短衣隨野客盡日畫中行

金陵

東南形勝帝王州幕府維揚鎮上游人物衣冠三楚麗秣陵
風雨六朝秋又傳簫鼓歌瓊樹重見烽煙滿石頭往事陳隋
飄忽盡新朝天子正無愁

辛籤卷二十一

古

李實一首

實字如石遂甯人崇禎癸未進士除吳縣知縣

李調元蜀雅如石於書無不讀鼎革後寓於吳市隱居三十年著述甚富

春閨曲

碧玉堂前柳絮飛白狼河外信音稀征夫不及營巢燕歲歲
春風一度歸

吳驥二首

驥字旣閑竟陵人崇禎庚午舉人有浮園集

蠶尾文竟陵旣閑吳先生行履高潔終身隱居東湖之上煙波晴雨水鳥樹林漁歌樵唱之變態當其會心則以五七字寫之此亦東湖之幸也
湖北詩徵傳略驥雅慕陸鴻漸之為人淡泊踴涼不求榮王阮亭為作集序直以桑苧西湖千載相匹可謂擬得其倫矣

田按既閑與胡君信居相近時共唱和其詩品之高
潔亦略相似不染譚友夏餘習豪俊之士固不囿於
鄉曲也

方伯徐公寄詩約於漢濱舟次就晤

晴翠天門外江邊一老翁開扉看去鳥倚棹聽歸鴻舊夢留
雲社新吟憶渚宮東風吹酒醒爲報小桃紅

九日集浮香閣

煖翠澄嵐侵水涯柳隄香閣俯蒹葭新萸試酌重陽酒舊井
同嘗陸子茶風雨凌晨吹阜帽煙霜晚節護黃花詞人清讌
資遊賞猶向荊州憶孟嘉

周損 五首

損字遠害麻城人崇禎己卯舉人官饒州推官國變

辛籤卷二十一

五

後雜髮爲僧

月夜送客過惠上人故廬

經年過爾梵猶爲送人來山下月無恙林中磬莫哀松存支
岸骨竹養出籬胎寂寂繩床外一枝燈自開

寄李大山中

江夏無苛政陂湖恒宴如有人家野艇許我訪秋蕖滅慮親
加飯開顏兒弄書報君上山月南望莫欷歔

魏華齋看耿子維篆石

齋冷酒無力對床通曉風新桐支瓦綠小杏立牆紅胸不到
冰炭手能爲鳥蟲從君覓古法一月住城中

崇禎乙亥春同家四兄若臨從子仲龍攜家避賊武昌

之葛山

焚盡鄉園夢已曾過江來者說相仍良朋先生何仗老母
猶存死未能清酒滿村無我酌好山到處讓人登典衣日日
憂風雨閒殺漁家柳下曾

繫院除夕憶劉雲密舟發

羈囚人語接霜鴟獄吏崢嶸亦歲華黃面白頭吾舊物青鋒
碧血世生涯得稱僧臘猶慙愧莫數王春動嘆嗟昨夜良朋
舟似鳥羨他不聽院城笳

三米元侗 四首

元侗字吉人辰溪人明末舉於鄉有羅峯詩文集十

三卷

辛籤卷二十一

六

田按吉人詩有妙悟竟陵派之佳者

復從獺溪歸作

三年常作客幾日暫開顏野步不隨路秋愁多向山遠明溪
自動虛響樹常閒為惜高雲意蹉跎未擬還

漱浦道中

城已多時破村鄰幾處存荒蹊春雨冷舊院野花繁白骨經
霜雪烏鴉長子孫故鄉戎馬徧對此哭黃昏

遊九崖

虛谷少人迹半山崩石聲無根藤自活應候鳥殊鳴疏樹雲
微出荒田虎數行歸途愁日暮秋色帶孤城

晚坐西園有懷

坐愛西園晚寥天過片雲暑消林氣薄涼定水光分顧影慚
行止虛心理見聞客堂今夕夢一半是思君

蒙正發一首

正發字聖功崇陽人永明時舉人官給事中有漆園

放言龍壁吟蘆草欸乃聲等集

王夫之南窗漫記蒙聖功給事欸乃聲九十首曾授
予訂之其警句則有片帆影挂前川月透枕霜清五
夜鐘藥市藏名嫌溷俗鷗羣不亂信忘機荆臺不樂
吁先輩高閣從來東腐儒高峯影侵寒潭黑絕壁光
生晚照紅明犀照水中嫌逼寶劍沈淵免再採小聚
不驚浴鷺穩回潭時積落花深可謂句意雙到

秋風鳥小魚遇秋風而化出惠州

秋風催水族應候起沈淪漸有雲霄志難忘湖海身招呼仍

戀舊毛羽忽更新微物猶騰化何須歎隱淪

辛籤卷二十一

七

大風謂水急也

秋風鳥

小魚遇秋風而化出惠州

王夫之南窗漫記蒙聖功給事欸乃聲九十首曾授

予訂之其警句則有片帆影挂前川月透枕霜清五

夜鐘藥市藏名嫌溷俗鷗羣不亂信忘機荆臺不樂

吁先輩高閣從來東腐儒高峯影侵寒潭黑絕壁光

生晚照紅明犀照水中嫌逼寶劍沈淵免再採小聚

不驚浴鷺穩回潭時積落花深可謂句意雙到

坐愛西園晚寥天過片雲暑消林氣薄涼定水光分顧影慚
行止虛心理見聞客堂今夕夢一半是思君

辛籤

張溥 一首

溥字天如太倉州人崇禎辛未進士改庶吉士有七

錄齋集十五卷

吳偉業復社紀事金沙周介生鍾始以制義甲乙天
下吾師張天如先生從婁東往復社之舉自此始崇
禎改紀國先生以真入京師繼觀郊廟辟雍之盛喟然
太息曰國家鴻業今公卿不通六藝後進小生剽耳
章微言潤色鴻業今公卿不通六藝後進小生剽耳
傭目倖弋獲于有司無怪乎極人持柄而折枝砥疇
半出于誦法孔子之徒無他詩書之道虧而廉恥之
塗塞也今上即位臨雍講學生當其時者庶幾遵遺
經砥俗學俾盛明著作比隆三代乃與燕趙魯衛之
賢者為文言悉申要約而後去楚熊魚山先生開元

辛籤卷二十二

知吳江縣事以文章飭吏治知人下士喜從先生遊
吳江大姓吳氏沈氏潔館舍庀飲食於郊以待四方
之造請者推先生高第弟子呂石香雲字為都講石
香好作古文奇字浙東四多聞其聲而湖州有孫孟
樸清銳身為往來紹介於西是臭味翕集遠自楚之蘄
黃豫之梁宋上江之宣城甯國浙東之山陰四明輪
蹄日至秦晉閩廣間多有以其文郵致者先生丹鉛
上下人各盡其意四年先生選庶吉士天下爭傳
其文而艾干子獨出其鄉南豐臨川兩公是嘗燕集
自命大家熟于其書相譽誓于天下爭傳
據顧為人褊狹矜憤不能虛公一求之言未嘗無依
山園陳臥子年十九詩歌古文傾一世艾旁視之謂
此年少何所知酒酣論文仗氣罵坐臥子不能忍直
前毆之乃嘿而逃去先生既篤志時吾郡虞山錢蒙
制藝與干子爭長短當復三君子起時吾郡虞山錢
叟吳門文湛持姚現聞三君子起時吾郡虞山錢
枚卜為烏程相訐奏罷歸其同時奏對稱首先烏程
大拜者陽羨周挹齋先生辛未會試在先生及偉
業為座主自以位尊顯無所稱於士大夫間欲介門
下士以收望謝政而烏程龐國棟陰鷲呼
覈思所以剝刃東南諸君子先生扼腕太息蚤夜呼
憤其門弟子從茗書來者具得相溫陰事名為廉潔

奉法實縱子弟暴橫鄉里招權利通金錢先生引滿
聽之以爲笑謔語稍稍流聞相溫時盛修郟虞山思
一舉并中之未得聞也會虞山胥吏陳履謙張漢儒
有罪亡命入京師而政府遣心腹延之東第密受計
告虞山及其門人瞿公式昶所爲不法相溫從中下
其章銀鑰逮治而復社之獄並起州人陸文聲者驥
僧無行先生同扶起州人陸文聲者驥
社逸入都就張漢儒邸舍拈撥兩公事踵漢儒上章
賴上神聖疑其太切當有許章下所可陽羨復出方
敦趣在道先生已屬疾卒於家時相調旨責三人具
對虞山奏曰臣先張溥成進士二十餘年結社文
止爲經生應舉臣叨卿戚不應參涉奏曰復社之
起在臣令臨川日自此杜門病廢十年謂復社是臣
事則臣非其時謂復社非臣事則張溥實臣至友上
覽其詞直置弗問用御史劉熙祚言取先生所纂五
經註疏大全及禮書樂書名臣奏議數百卷繕寫進
覽先生死而讒口噉噉追仇其地下之骨幸蒙上滴
雪又并其遺書拂拭之於此見稽古之不容泯滅也
陳貞慧山陽錄天如文豐蔚典贈兼家丞庶子之長
崇禎丁丑余與仲馭明三詩酒婁上見其賓容輻輳
檐帷如雲余授吟謠手校墳典爭歌賞笑五官並應
絕歎爲二劉更生

辛籤卷二十二

二

明詩選陳臥子曰天如忠愛誦孟門行可見一斑卒
後而動聖王之思有以也
鄒漪啟楨野乘天如爲文融洽經史詩皆三唐風格
靜志居詩話天如狎主復社以附東林聲氣求龍
集鳳會一言以爲月旦四海重其人倫明經劉永元
函賓書日三接由是青衿胄子白纓書卷登李元
禮之門不啻虬戶爲柳伯鸞所識勝於荷金列郡人
文一時風尚口談朝事案置漢書頭白露額之中足
著成之妖夢天子有詔求司馬之遺書黨論日與清
流釀禍周之夔彈之於始阮大鍼厄之於終而邦國
因之殄瘁矣

送侯豫瞻北上

春氣吳山早風來水國初社村今日酒牀笏舊時書燕子迎
新筋桃花奉板輿尙持司馬節珍重佩金魚

張采一首

宋字受先太倉州人崇禎戊辰進士除臨川知縣遷

禮部主事有知畏堂文存十一卷詩存四卷

復社紀事天如先生同里最親善者曰張受先采海內所目為婁東兩張者也受先筮仕臨川綱維張設一以古循吏為師謝病歸遇同輩多所磨切敢為激發之行數以古法治鄉黨閭左銖兩之奸輒誦言誅之惟恐其人不知者南都覆受先為邑蠹里猶乘亂標擊刺列幾無完膚絕而復甦又兩年而病沒於

漫興

豈自求仙道須因避世爭無官多暇日有病得長生不食安期棗誰吹子晉笙開簾尋落影殘月已三更

楊彝一首

彝字子常常熟人諸生有懷舊詩一卷

辛籤卷二十二

三

堯峯文鈔子常先生與同郡顧麟士先生皆明經飭行矜尚氣節時人並稱楊顧吳中名士與文社日應社兩先生俱在焉

仙人好樓居

盈盈凌波襪相遇碧山頭山深泣路歧弱水亦可憂何如王城上高建百尺樓日月在其牖一檻憑九州行地正絕迹相牽與天游試問華陽史洞壑何其幽

顧夢麟六首

夢麟字麟士太倉州人有織簾居詩集四卷文集四

卷

啟禎兩朝遺詩麟士詩深古幽潔田按麟士學人之詩耐人咀味

題汲古閣二首

千編蠹走魚三寫焉成烏流傳不足徵筆削何如無尋源準
之宋正訛同索逋旁觀昧所從或謂正者誣古今幾紀載半
訖餘已圖當時兩官書將恐供樵蘇何況正史外百雜如散
珠一閣此貫穿上下縹緗俱我來耳目眩譬海泛一壺嘗聞
蓮華藏亦假輪藏扶熏染卽其緣經言豈欺吾

鑿井利羣爨萬情同酌餅疊與脯鍾各從家所任得失關
軀命昏莫猶必尋詎知井有孚亦取泉資深汲遙當續修先
具太古心君看一閣內肅肅神明欽六經文在茲爲繫甯獨
今煙煤有往聖一字雙南金

和左太沖招隱詩二首

美人遲不見俯仰懷山榛憔悴卽非計馳驅徒損神黃髮十

辛籤卷二十二

四

餘曹素心常任真安知外間事好爵猶津津尺蠖旣一屈願
言勿再伸唐虞與殷周何者非灰塵先師垂遺訓求仁斯得
仁優哉出處意永矣無參辰

志士重一餓西山名到今緼袍不屑恥帶索坐彈琴珍禽慕
樊籠野鹿思邱林各自有本性非關時陸沈白社結遺黎情
齋惟梵音猶餘故習氣抱膝浩歌吟得句互咨嗟笑言開素
襟無煩更招隱己此盍明簪

次韻追和豈菴自題所作芟葦泛月圖

亂世何人有不將畫圖自住浣花莊舟當偶泛樽疊簡月到
方中草樹荒二客能從疑赤壁一池常醉似高陽看君品坐
君元在時挂閒齋供茗香

湖村晚興

參差雙塔起城頭一抹峯巒數里愁誰喚山人黃子久重來

茅屋寫深秋

宋隗二首

隗字雲子長洲人有咫聞齋稿

錢謙益牧齋集雲子才情繁富纏綿絡繹長歌古詩

才力橫騫靜志居詩誦雲子際鍾譚盛行之日唱酬吳下遙應南風然其論詩有云詩貴澗涼風旨不取蹈襲形模

漢魏未嘗規摸三百篇盛唐未嘗規模漢魏今且拘拘習其聲音笑貌何為者耶又贈陳玉立後此還為

楚風誤則於景陵非中心誠服可知且盛稱臥子之

也作而其已作第留意於中晚不可與聞修元歎等齒

田按雲子富有才華惜為楚牀所奪然終不掩駿邁

之氣

辛籤卷二十二

五

鴛鴦湖頭颯寒雨竹戶蘭軒坐容與主人不慣留俗賓識曲

知音有心許徐徐邀入翠簾垂埽地添香亦待兒默默惜惜
燈欲施才看聲影出參差甌甌祗隔紗屏綠茗鑪相對人如
玉不須粉項與檀妝謝卻哀絲及豪竹縈盈澹蕩未能名歌
舞場中別調清態非作意方成豔曲別無聲始是情幽明人
鬼皆情宅作記窮情醒情癡當筵喚起老臨川玉茗堂中夜
深魄歸時風露四更初暗省從前倍起予尊前此意堪生死
誰似瑯琊王伯輿

誰似瑯琊王伯輿

徐鉉本事詩鴛鴦湖主人天中其吏部也吏部家居時極聲伎歌舞之樂後以事見法南湖花柳散作荒煙
東市朝衣變為蚊虻故吳祭酒梅村鴛鴦湖曲有芳草乍疑歌扇絳落英錯認舞衣鮮之句余亦賦鴛鴦湖感

舊云曾說荒臺舞柘枝而今空見柳絲絲不因重唱

鴛湖曲誰識南朝舊總持
田按鴛湖主人嘉興吳昌時也昌時名在復社頗為
東林效奔走官吏部即通厥衛賊私狼藉電發不斥
其名梅村鴛湖曲亦多哀愍之詞蓋詩人忠厚之遺

魏忠賢祠廢基傍為五人墓歌

長安城西白牝交連結雄虺興神妖白鬚兒子解承事黃門
寺獄坑賢豪蘇州吏部鐵作骨此人不死奸無魄金吾忽挾
黃紙來虎闕鴟張恣求索吳門俠少刑白雞來看讀詔袖金
椎飽腸踏破腥懸樹獠眼句殘血作泥是日風霾四郊暗官
騎殺盡人方厭吳兒自古仗高情要離身手專諸劍中丞狼
狽抱頭奔尚假餘威殺五人妻孥潛瘞不知慮恨鬼吞聲秋
復春當年雄虺薰天勢生祠創建人爭媚梁車三殿一尺餘
視曰阿爺九千歲無何蛟斃虺伏辜祠旋毀拆成邱墟五人
身首始得出卻葬祠旁表路衢海市冰山只早晚祠榜今為
潤中版五人之墓草青青時有行人為漢飯

辛籤卷二十二

六

田按事詳庚籤周公順昌傳後

張博七錄齋集五人之墓碑記五人者蓋當蓼洲周

公之被逮激於義而死焉者也今郡之賢士大夫請

於當道即除魏闡廢祠之址以葬之且立石於其墓

之門以旌其所為嗚呼亦盛矣哉夫五人之死去今

之墓而葬焉其為時止十有一月耳夫十有一月之

中凡富貴之子慷慨得志之徒其疾病而死死而湮

沒不足道者亦已眾矣况草野之無聞者歟獨五人

之皎傲何也予猶記周公之被逮在丁卯三月之望
吾社之行為士先者為之聲義歛資財以送其行哭
聲震動天地縱騎按劍而前問誰為哀者眾不能堪
扶而下之是時撫吳者為魏之私人周公之逮所由
使也吳之民方痛心焉乘其厲聲以呵則操然相逐
中丞匿於溷藩以免既而以吳民之亂請於朝按誅
五人曰顏佩韋楊念如馬杰沈揚周文元即今之傑
然在墓者也五人之當刑也意氣揚揚呼中丞之名

而詈之談笑以死斷頭置城上顏色不少變有賢士
夫捐五十金買五人之頭而函之卒與屍合故今之
墓中全乎為五人也嗟夫大閩之亂縉紳不能易其
志者四海之大有幾人歟五人生於編伍之間素不
聞詩書之訓徧於天下卒以吾郡之發憤且篤詔
紛出鈔黨之捕遍於天下死不可謂非常之謀難於猝發
敢復有株治大閩亦遂巡畏懼非常之謀難於猝發
待聖人之出而投環道路不可謂非五人之力也由
是觀之則今之高爵顯位一旦抵罪或脫身以逃不
能容於遠近而又有勳嬰杜門佯狂不知所之者其
辱身賤行視五人之死輕重何如哉

顧杲一首 五立其人崇禎癸酉舉人

顧杲字子方無錫人有悟秋草堂集十卷

靜志居詩話崇禎戊寅南國諸生百四十人具防亂
公揭請逐閹黨阮大鍼子方實居其首有云杲等讀
聖人之書明討賊之義事出公論言與憤俱但知為
國除姦不惜以身賈禍大鍼飲恨將錄號沒遮欄而
之讎在必報矣大鍼名在東林點將錄號沒遮欄而
閩人周之夔亦注名復社第不集阮露刃以殺東林

辛籤卷二十二 周反戈以攻復社君子擇交不可不慎於始也

蕉扇 動搖生夏涼君非附炎者往來詩客旁高齋勝秋野

陳宗之 十八首 人皆謂其草堂集十卷

宗之字玉立長洲人崇禎癸酉舉人

靜志居詩話啟禎間景陵流派盛行於吳中雖有林
若撫力持唐調然而捷敏未免率易玉立矜鍊獨操
正始之音八門七堰六十坊可以獨步

極望 朝登崇邱望四野行人稀悲風振林薄紅塵蔽我衣比屋絕

青煙窮郊多啼飢陽和雖萌動不救庶物微天高不可問長
吏恣疾威念之五衷熱願力與願違閔世莫克拯撫膺一長

秋

感秋

膏雨遍山澤禾黍何豐茸天意豈不周下民乃無胸人滿芽
蘖生地繁奸宄容大賢不世出珪墨恣昏庸荆襄方帶甲燕
薊時傳烽嗟我蒲蛤氓不思鍋與澧鞭撻雖云苦急病理宜
共築圃會有時秋燈燎夕春我亦慎作勞飯牛幾時逢

幽栖

窮居非一端委志在山草豈無衣食營高閒以爲寶茅茨羣
峰下變態日夕討霞嶽逸風期霜崖鴛襟抱前有寒泉谷
微自瑩藻安得長閉關心期學至道觸物方悲歌歎此橫
潦

辛籤卷二十二

八

感時

歲月不待人流光迫通景竭來青陽臥忽已冬夕永羣條結
凄籟眾壑瀉孤井抱書黃簾下白敬搖瘦影繁憂浩無端弱
志怯前猛本乏邱園費懶怠就曠省時賢非我期隱軌幾馳
騁浩蕩古皇心矜促箕與穎

東澗述懷

結廬北郭溪寓榻東山麓郊居已杜門此更混樵牧高館閑
以婁穹崖峭還復琴尊選幽勝萬翠攢雲屋籜冠不復簪散
髮聽高瀑道書填座右戒香薰靜僕噓吸資清冷蕭屑任土
木雖復念流亡彌年安貞獨子春非賣塞子真非湛谷通執
各有趨胡必傲邁軸乾坤委化運山鬼聽誦讀此中寓深致

非人亮莫告

思太古

四序如轉轂谷居已冬春誅茅無人地混混沌佳晨蛟龍已
震動角尾洞淵淪自非冥寂心疇敢忘吾人大道失綱領生
晚違天民文字并幽患棄之復誰親相期滅聞見默守氣自
神

奇四

雪嶠吟二首白帝賦于文曰環燈執火莫寒憊天意高

人生苦綆短進取恨不早局促百年中顏鬢幾時好馳動既
失喧退遜或傷槁斗酒發清謠耳熱心如搆西京多勢家雷
轟長安道金膏耀圍臺恩倖及襁褓子雲方翳如遺經至今
寶

辛籤卷二十二

九

一懶畢吾分入山謝僑伍艱虞失怙後疲薈劬寸武憶昔壯
年時俊健如猿虎飛光不待人短髮被霜縷東鄰有織聲西
鄰響樵斧野人獨蒙頭高臥至日午
羣盜
信阻黃牛峽人稀白帝城干戈包穀鄧烽火莫襄荆天意高
難測人材浪得名荒雞興夜歎流淚哭殘氓

穀閣秋懷

不堪搖落悵深秋漠漠風煙起暮愁鄧尉有山頻入夢向平
多累不成游黃花笑鬢遲佳色白墮吹香下晚芻肯信吾生
鴻鵠舉高原亦有稻梁謀

首夏寄徐子能

栖遲蕭寺輓轡床水木空青湛竹房几落瓦花桐广碧檻懸
蛸蠹柱均芳攜尊喜逐忘機夜閉戶粗知省事方聞道西郊
徐處士突煙晨冷鶴無糧

銷磨日力倚書滕客至從教叩不應穿戶筍胎舒紫籜覆床
蕉被展青稜松棚短屋過溪叟茗粥清齋共寺僧最戀雨餘
人事絕夕陽畦草看魚鬢

出山

五岳平生擬向禽吳山矯首亦棲尋旅魂獨夜成風雨大地
精廬閱古今佛閣清霜凋遠岫洞門寒日照深林不知救世
何人事莫漫銷沈梁父吟

愁

辛籤卷二十一

十

繩床深碧語殘鶯回首飛花歲月更白髮曉梳遲學道黃金
春盡拙謀生昨非始悟陶元亮日損終思向子平較量行藏
無一可且醜綠蟻百壺清

家園早春

閻子陰陰遶翠重柳隄香雪任苔封暫將禮數消人忌自許
雲林息世慵春汲幾家蘿篠接嘯歌千古枕書供幽尋擬乞
山僧杖風雨精靈恐作龍

送盧渭生赴史相國幕時以觀省歸呈賦詩壯之

黃河列戍控山東指盡襟喉抵掌中白筆軍書推國士紅旗
都統賴裴公嘗參幕府龍韜畧歸拜高堂鶴髮翁立馬短衫
仍獨往從教逢掖勒奇功

送客之楚幕

中原遍地盡戈鋌何處依劉豺虎邊匹馬獨歸燕市月扁舟
仍泝武昌煙爾衡莫浪題鸚鵡杜甫應須拜杜鵑若問野人
雲水迹茫茫澤國一漁竿

山中歸見壁上懷友詩次天民韻

年來朋侶太參差出處茫茫各自私喪我每思南郭隱逢人
多誦北山移蓬門晝寂無題鳳相酒春深有聽鸚千載真圓
同靖節塵裘高臥落花時

葉襄 七首

襄字聖野長洲人崇禎時諸生有紅藥堂詩

蘇州府志聖野少穎敏父教授在外從母張受學銳志經籍為名諸生楊廷樞領補復社聖野執經兩高

辛籤卷二十二

弟子甲申後隱居不出工詩律尤工儷語有六朝風致

靜志居詩話吳下詩流聖野始屏鍾譚餘論嚴持科律一以唐人為師與姜考功如須往還酬和曩嘗接席臨頓里談諧宴笑器局可親所刊吟稿考功序之田按聖野近體風華悽麗有蘭成哀咽之音

春詠和曹秋岳二首

阮籍惟埋照狂歌意匪他生涯甘隴畝心事聽關河碧草條
風晚青尊舊雨多蕭條憐短髮何用補蹉跎
大雅誠寥濶如君復幾人九天問鶴唱萬里縱鷗馴老健渾
無敵驍騰信絕塵春風江總宅彩筆動星辰

春詠酬龔芝麓二首

水國春陰重江潭柳色移蠻煙沈帝洛荒雨仆靈旗白髮年
中換青袍夢裏疑山深薇蕨長應傍伍胥祠

顛顛黃冠客猶傳補闕名孤舟范蠡宅高柳闔閭城短褐人
情薄崎嶇吾道輕杜蘅搖落盡春色爲誰明

新柳

驗蕩東風促放芽有情應似惜年華章臺溼雨追芳草野郭
輕陰待杏花淺綠未堪遲暮燕嫩黃何處暗棲鴉永豐坊裏
承恩早柳宿光中一縷斜

禹陵

寂寞塗山會蒼茫越海東星辰環斗極風雨壯幽宮玉帛當
年盛衣冠萬祀同守珪嚴郡將佩玉列羣公畫廡莓苔碧陰
廊薜荔紅岡巒迴日月棟宇闐蛟龍窆石蟲書古穹碑鳥篆
工泉源留儉德伊洛想神功配極尊河嶽憑高俯岱嵩千齡

垂廟饗百谷儼朝宗

辛籤卷二十二

十一

焚書坑

七國煙銷霸業墟咸陽宮闕總灰餘蕭何自索關中籍不向
空坑問蠹魚

張澤一首

澤字草臣吳江諸生

與雲子衍波菴中夜坐

松古徑難暝悵然山月光起行棲鳥散雜坐野橋荒良友懷
中事寒林夢裏霜十年蹤迹異今夕可能量

周立勳二首

立勳字勒卣松江華亭縣學生

陳子龍幾社六子詩序周徐輩六子皆與余同學詩者也其才情雄駿用功深微十倍於余然覽其詩可以泐獨立而儷古人者人不數篇耳

明詩綜張受先云勒貞工愁善恨下語如九曲明珠耐人尋索

靜志居詩話松江舊有十六子社唐文恪董文敏及吾鄉馮祭酒與焉崇禎中勒貞偕陳夏諸公倡幾社首事僅六人以詩古文辭相砥礪今所傳王申文選是已陳夏皆以名節著惟勒貞早天聞其遇社中人意態殊落落而人自有欲親之誠時穀城方閣老四長守松江數與幾社諸子周旋而尤敬愛勒貞人或問之答曰勒貞一往有雋氣不屑作酒肉貴人第其詩文恒以慨歎出之慮其人不壽耳歲己卯就試金陵質素清羸寓伎館伎聞真院樞鼓促之起勒貞尚墜臥也未幾遂客死臥子哭以詩云松柏西陵路昔翠羽明珠擁莫愁君家顧曲舊風流一時腸斷人何處風雨蕭條燕子樓又云山陽玉笛異時情天問靈均意不平縱使不堪軒冕貴何妨白髮老書生數日後忽妨白髮困諸生轅文覺而異之爲位佛祠祭焉因按勒貞之論詩曰士當不得志而寄情篇什憂悶

辛籤卷二十二

三

悲裂雋詞遙旨往往有之又云予失足敗意顧盼園圃風物悽悽求曩哲之遺編愧時賢之工藝未嘗不歎悼扼腕悔其多作悲哉何其多幽憂之思也勒貞與臥子爲素交臥子選明詩僅錄其詠懷一首子廣搜諸集得詩數篇俾弔沈淪而哀憔悴者有以得其厓畧也

舟行效江文通詩

凌晨戒舟楫斥渚一已深弱草承芳徑孤雲冒遙岑鬱葱起奇樹懸落飛幽禽蒲葉薄刺水香風輕出林海煙遠樹黑江光日莫陰奔濤恣瀉蕩高墳散崎嶇獨望成千里安能知古今

今

雨泊富陽江上

驟雨江流急雲挾蛟龍勢莽莽不得停橫帆去搖曳孤鳥沒還浮亂石危有制雲湧山自覆林遠草同細連舟若村墟煙

帝
火遙相隸所歷百里間風波渺難濟客行無安途林深啼蜀

舟次黃州寄懷諸子

攬衣涉沙磧日落黃州城魏祖旌旗盡吾家事業更薄遊分
數子因別念平生無限悲秋色孤鴻向客鳴

魏冲一首

冲字叔子一字道用常熟人崇禎庚午舉人有小碎

集

列朝詩集叔子垂髫即能詩濯濯無俗調
懷舊集叔子少與兄仲雪齊名稱二魏詩亦恒似欠
而信余言遂舍故學君有詩云貧知無事足賤倚閉
門尊先府君以為名句
田按叔子馮定遠師也鈍吟雜錄常稱之

辛籤卷二十二

丙

三月十三日陳和卿補送春約載酒李家橋顧氏園亭

幾簇茅茨綠樹攢野薇香酷小梅酸一春城裡看春色今日
餘春村外看

許元功 四首

元功字無功一字更生吳人有靜曜詩集

湖山靈秀集明季如許無功吳不官足為蔡九遠後
勁
田按無功詩清麗綿邈令人留賞

灌谿夜話

寒城易暮色倦客鮮歡懷園林幸接近時偕樽疊來兼得兩
三友諧謔無嫌猜論古有餘思停危共徘徊肅肅前除霜噉
噉鴻雁哀攬衣發長歎月白煙初闌

歸元恭同寓郡郊將偕葛瑞五入包山贈別

遊侶適尋至因知帆不停前朝好黃葉林臥聽清冷煙火白
波出連山寒更清何心留滯者愁說贈榛棗

顧與洽養痾半塘余亦病滯城菴辱先柬至卻寄

此地聞君過書來枕上看江湖同旅泊愁病得秋殘野寺翻
經楊寒塘放鴨闌城郊通短夢劇論舊悲歡

丙戌秋同李灌谿訪劉公且野寺公且有扇頭見贈之
作久未答和悵然補之

野寺蕭然古壑秋哀松激響憶同遊袈裟得借人間地塵尾
難消客裏愁手種白楊齋徑改魂歸青草墓門幽舊題珍重
時開篋不對西風淚亦流

辛籤卷二十二

五

潘一桂

二首

一桂字無隱一字木公吳江人

列朝詩集無隱年未三十有賦數十篇卜居京口覽
江山之勝與友人錢玄密繹以辭賦相鏤礪作東征
昌言諸賦為時所稱東游泰山謁孔林作東游詩南
陽朱邸好辭賦延招四方賓客起高明樓擬于雁池
免園幣聘再至乃往授簡賦詩雍容應教有趙康王
禮謝榛鄭若庸之遺風焉居留一月謝不能曳裾王
門稱疾辭歸

龍潭道中

疊嶂深藏日連峯共隱天小舟如雁許歷歷下江天

幽人

山色自滿幽人扉疏窗晴日淨暉暉避人一鳥踏枝去遂有
落花無數飛

王潢二首

潢字元倬上元人崇禎丙子舉人有南陔堂集何莫

草

帝里明代人文略先生吾鄉忠厚人也明遺孝廉篤行君子一人而已

賈徙南王日華沈修能晚過小酌次日華韻

駭鱗潛重淵驚羽棲層枝達人審物候舒卷從天時眷懷二三子顧我臨前墀盛夏苦埃鬱海暑如蒸炊赤日忽西馳皓月窺梁楣雙桐激清響拂坐生涼颯卽境屏餘慕怡曠良在茲願言數晨夕析賞無虛期

興亡吳門訪徐元歎

何處溪山曳短筇誤從城郭訊高蹤埋名或恐同梅福問字

辛籤卷二十二

六

曾聞擬顧雍人臥荒菴依落木客停孤舫聽疏鐘相逢莫語

興亡事耕稼惟應學老農

梅朗中 五首

朗中字朗三宣城人鼎祚孫崇禎時諸生有書帶圍

集十六卷

侯方域壯悔堂集朗三宋六代之華標三唐之製長歌短律胥臻精妙

愚山集禹金閨孫復有朗三蓋庶幾與禹金相望者朗三善詩古文辭兼及書畫又好獎才彥歛服美以萃其身乃年不逮四十而摧折悲夫

梅氏詩畧朗三耐情嗜古詩文法祖而資才駕之字效張王畫規宋元嘗與吳越名士樹幟駭壇爲四方風雅之宗論者謂祖孫輝映均足千古

田按朗三古詩仿顏謝而未能頽脫五律便自瀟灑

集白雲樓

徑穿叢篠出樓壓曲崑生虛爽坐看久壺觴暑更清烏栖千
嶂夕虹飲一川明最愛秋林晚丹霞樹樹橫

同方爾止蔡大美遊響山時余將往新安因送大美之

金陵

作客同春水東西任去留卽堪臨水送復此別家愁白岳開
丹卷青山空謝樓無須悵分手雲物帝城秋

送吳生孟修讀書越中因訪錢諸暨及湖上嚴朱諸子

入東何不速良友半空面墊飯沙頭市春衣馬首嵐負書誰
共賞斷酒爾能堪若過山陰道還先禹穴探

送大美之金陵寄何次德

纔傾蘭社酒便買石城艫旅夢回楓樹餘霞吟練江舊知名

辛籤卷二十二

七

第五不獨賦無雙儻問梅真子寒吟謝朓窗

送劉雲遊姑蘇

江館花殘燕子飛春蒲一幅下蠓磯五湖煙月知多少莫學
西施去不歸

蔣臣一首

臣初名姬煊字子卿更名後字一个桐城人崇禎中
舉賢良方正授戶部司務遷主事有誰菴集

靜志居詩話一个見知於太倉二張注名復社其柴

車北上爲倪公玉汝所薦召對平臺甲申寇變問道

走淮陽依史公道鄰史公留參軍務一个嘆日以一

騶虞將五狼其能久乎遂辭歸其詩雖乏渾灑亦自
蕭散

田按一个以范大司馬景文薦建漕屯鈔足國三議
漕屯未知如何其行鈔法言歲造三千萬貫價銀一
兩歲可得銀三千萬兩此亦書生之見豈可行於宸

感遇贈劉伯宗

夙昔秉選尙託契依邱樊炯戒師明哲息機謝羣援山月照
薜蘿偶開松下樽素琴發清籟宿鳥時高翻斯際穆懷古孤
緒於焉存時艱亦念哉舍藏道所尊感彼華實分獨寤永弗
諉主上撫扈運九載未濟屯紘網遍八埏翹車賁郎圍是時
無留良與子同見掄天路苦荆棘豺虎彌川原關洛數十郡
戰哭皆新魂子才陋微管奮翮必鸞鷟余方戀南陔藝黍供
晨昏出處各有適素節諒自敦不聞莘渭人媿矧效公孫三
復沔彼詩末俗誰與論

趙相如 二首

辛籤卷二十二

六

相如字又漢桐城人天啟諸生有載園詩集

桐舊集潘蜀藻曰崇禎時求直言又漢上治平十二
策爲權貴所阻其爲詩憂君憫俗婉約深摯有浣花
之風

甲申春初感事

羣策勳名在鼎鐘英籌何日瘧元凶十年議撫煩司馬五等
新頒起臥龍河伯威能爭豫壤泥丸隙竟潰函封荒原萬里
春田草隴上誰明盛世農

江南曲

樓船簫鼓動江城長板橋頭夕照橫少婦不知烽火急權歌
猶唱鳳陽聲

許振光 一首

振光字起文吳人有心耕草堂集

將歸先寄山中諸同社

冬氣先知到布衾故園蕭散別來心或爲野步兼橋立不是
茶清卽酒深向友索文星下讀懷人有夢水西尋問余作客
因何事兩月江干日苦吟

俞南史二首

南史字無殊吳江人山人安期子

治圃

學圃非吾事時窮逐汝曹初知鹿門逸終覺漢陰勞業薄資
家食慵多長野蒿栽培天地意功力計纖毫

長門怨

辛籤卷二十二

九

金屋春深早閉門平陽歌舞動黃昏君王那得如明鏡日向
妝臺照淚痕

徐白二首

白字介白吳江人別號笑菴先生有竹嘯菴詩鈔

愚菴集介白自鍾譚入門能不熏染其流弊

遂初堂集處士詩幽冷刻深不肯蹈襲前入一字

靜志居詩話介白初師景陵詩派務以幽深孤峭爲

宗後以太湖落日賦見賞於陳臥子晚年持論稍歸

和易

本事詩笑菴清癯峻削性類枯禪卜築靈巖三十年

屏迹城市室內顏白髮前土青山半屋雲之句錄

其單詞髣髴聞天風步虛聲也

獨遊

雨後垂楊路東風草際暄因尋溪外響不覺盡清源雲傍水
心寺花開原上村春光先我待一笑復何言

月下聽女郎彈琵琶

哀絃凄絕未知名若對清光更有聲
總為姮娥善幽怨人間此夜盡關情

方文 十首

文字爾止桐城人崇禎諸生有爾止集五十卷

愚山集爾止為詩雖民謠里諺塗巷瑣事皆可引用與會所屬街口成篇款曲如語真至渾融自肺腑中流出絕無補綴之痕

漁洋詩話爾止瀟灑有天趣每見人誦詩者輒為竄改其人不樂亦不顧也然退未嘗不稱其長而揜其短余以此重之

池北偶談方翁山居金陵少有才華晚學白樂天好作淺俚之語為世口實以己壬子生命畫師作四王子圖中為陶淵明次杜子美次白樂天皆高座而已偃僕於前呈其詩卷余為題罷語座客曰爾坦率白令老嫗可解皆不足慮所慮杜陵老子文峻網密恐翁山不免哭膝係耳一座絕倒

辛籤卷二十二

三

詩觀爾止詩專學長慶僕昔與之論詩蕭寺頗有箴規爾止弗善也要去其俚率存其蒼老斯爾止為足傳矣

靜志居詩話爾止間作可笑詩句頗為時論揶揄然如嘉穀登場或春或採稗穰終少於粒米

送沈洽先歸皖

秋江同作客春水又同歸何事棲遲久仍嗟生計微
對床聽夜雨把酒問漁磯坐惜沙邊鳥乘風忽背飛

旅夜

客舍已凄苦况聞風雨聲一杯消永夜孤燭坐深更
飢鼠分行出寒雞失次鳴此時心眼靜歷歷悟浮生

留別陸夢文

西子湖花秋正芳斷橋曾與共相羊青天鴻雁各千里
白露

蒹葭已干霜阿閣相逢重對酒
榜人無賴復鳴榔春江細柳
垂垂發逝水何如別恨長

送曾庭聞遊漢中

秦門自古興王地楚蜀咽喉在漢中
龍戰且收西極馬鵬搏應待北溟風
將軍名以先朝重才子文於露布雄
酒後有時還縱獵詩人爭與賦彤弓

立春日何第五招同施愚山夜集兼呈令兄次德

卜築青谿少四鄰君家兄弟獨相親
每逢好月思良晤况復寒江來故人
雪酒不辭今夜醉風花又見一年新
烏衣巷口多芳草明日重過是早春

題劉遠公扁舟江上圖

辛籤卷二十二

三

年來江上正橫流何處輕舸任爾浮
小泊歐陽湖上雨長懷徐孺宅邊秋
天空倚棹吟霜葉客至投竿醉酒樓
我亦無家同放浪平分汀鷺與沙鷗

題酒家壁

問我來何數非關飲興豪風塵燕市裏
或恐有荆高喜遇陳允倩處士兼懷陸麗京
梯霞

廬陵自古溪山好尚有梅花冷煖殊
爭似錢塘陳與陸枝枝葉葉是林逋

立秋

郡齋木葉報秋聲客被單寒夢不成
睡起秋聲無處覓刺桐花下月微明

題半山道人畫冊
一著袈裟絕萬緣
獨餘破視習難捐
江山本是無情物
畫到荒殘亦可憐

吳德操一首

德操字鑑在桐城人諸生官大理寺丞有北征草過

江集

聞劉念臺金天樞兩都憲同日蒙譴

危冠仇直遂庭爭梁下先驚懸鼓聲獨坐轉慙辛慶忌同官
還累竇營平人言太尉門牆峻帝識萊蕪釜餽清臺閣一時
誰表率飄然南策蹇驢行

葛芝二首

辛籤卷二十二

芝字瑞五崑山人有臥龍山人集

短歌行

朝遊太行暮歸王屋寶劍在掌鬼母夜哭解士方負賤蹋地

呼天一旦雄飛目無聖賢解二權勢所在爭則害人哀哉李園

竟殺春申解三麋鹿在山饑鳴求食忽登雕俎人飽肥澤解四曲

室密語中懷水火苟得同心一人已可解五神靈所畏惟在果

敢匹夫縱橫山川倒撼解六促我豐膳飲酒曲房援我繁弱射

虎南岡解七

贈徐日敬

芙蓉未老鰕魚肥孺子扁舟叩竹扉感舊十年惟有涕論交
四海竟誰依琅璫請室人猶在寂寞新亭事已非君是黃公

門下客臺前祭酒定沾衣

趙司直 二首

司直字維生涇人貢生有欵閑集

散步

柳色當窗覆好風吹自東舊懷隨野鶴晚與寄孤桐曉雨半

峰綠夕陽千樹紅相攜呼解杖囊盡不知窮

別墅

幽夢過殘香遙懷寄墜籜獨坐校遺編白雲當戶落

賀裳 四首

裳字黃公丹陽人諸生有少賤齋紺雪齋二集

吳喬圍瀛詩話黃公載酒圍詩話深得三唐作者之意

辛籤卷二十二

劉會恩曲阿詩綜黃公與從姪黃序有二黃之目工樂府古詩

擬古謠諺

干將雖利不能析新鳳凰雖靈不能可晨

詠古

好古遂成癖蒙誦終不回馬遷有霸氣李白真仙才屈枚雖

過之讀之令人哀不若二子言使我胸懷開平時不敢讀每

以待愁來

送人之塞下

右筆左韃褭常披白罽袍星下看龍劍燈前讀豹韜倚鞍成

露布磨楯試霜毫絳犴徒能武勳名未足高

白塔懷古

本宋放宮楊髡發諸陵收寶玉取遺骨雜牛馬骨葬於此上作白塔鎮之

鳳凰山上樹蒼蒼欲訪遺蹤半渺茫誰向春風澆麥飯空留
夜雨作椒漿月明飢鹿來荒院風定棲螢出短牆野叟遊僧
都不見只憑嘯鳥訴淒涼

賀燕徵

七首

燕徵字元生丹陽人諸生福王時以薦參贊兵部軍

務告歸有玉筐集

田按丹陽賀氏元生與黃公在復社有名黃公載酒
園詩話當時盛稱余謂黃公詩不如元生玉筐集音
節噴亮古今體均入格也

戰城南

戰城南守城北城下萬竈炊煙黑今日不椎牛烹羔饗壯士
焉知明日戰死不爲狐狸食狐狸腸可以葬馬革裹尸非所

辛籤卷二十二

五

望君不見松林鬼火粲如花孤魂夜夜泣無家雨洗黃沙出
白骨劍鋒猶向骨間沒

巫山高

山山出雲雨朝暮成今古何必巫山陽遂爲神女府楚襄應
是獵章臺曾挾傾宮舞袖來當時詞臣善諷諫故將雲雨規
荒宴所招足以止君心楚臣每多金玉音

酬陸直菴社伯

大雅今誰領君如人有眉乾坤容鳳隱雷雨療龍癡秋水離
騷句春風供奉詞蘭橈倚北渡樽酒話江湄

淮陰侯

奪符猜已甚躡足禍應胎烏盡弓藏後王孫亦可哀

留侯

借箸銷金印休糧茹紫芝區區終始意隆準未能知

虎邱尋貞孃墓不得

片月埋香骨輕雲度夜魂當年應化玉是否碧桃根

阻風謝司港

三日艤舟坐何殊鳥處籠張帆夜半去老鶴縱秋空

劉城十五首

城字伯宗貴池人諸生以薦考授知州不拜官歸有

嶧桐集十卷

陳宏緒士業全集伯宗國變來自署一私印曰謝髮
鄭心將自比於皋羽之髮所南之心也為文高古渾
成類西漢於詩尤工樂府暨絕句
康范生集劉伯宗徵君詩具有徵情至性寄託深遠

辛籤卷二十二

五

靜志居詩話伯宗次尾足稱貴池二妙才氣亦相敵
田按伯宗雄才揮霍英斷前知弘光時史公道鄰以
輔臣督師出守儀徵議建四鎮防河而南封左良王
守武昌伯宗遺書史公曰五侯皆盜賊之餘非有恩
義聯結知慕節概思樹功名流聲於後世也主弱必
叛敵強則降敵主皆弱且欲專制自為而互相兼併
勝者大自封小挾上皆弱則復潰溢散漫而為流
賊今內無老臣宿將勁旅親兵足以彈壓不肖在廷
推公防守雖名督師實出公於外根本單薄而欲使
此四人者防河是猶使狼守門虎未必能拒而書
人先不得動手搖足矣苟行之公必悔之史公得書
果悔之而無及矣此書今嶧桐集不載余見之徐巨
源所作伯宗傳中伯宗自序古樂府云余於崇禎丙
丁戊午間頗有難感而分不得言則取古題傳以時
事竊比於微而顯怨而不怒亦詩人之意云爾其文
則古而其事與義則別余固不為擬古樂府者也余
謂如是斯可以為古樂府矣

上之回

上之回祠雍畢揚翠旗仗玉珖升高墉閱臨衝羣后擁百靈

降導漚澗賚宮功
昊天悅人和
同望玉門之外
見青海若帶
休屠祭天鳥孫膜拜
皇帝陛下三萬歲

巫山高

巫山高石巖巖
溪水深流相環
水日嚙山趾
高陵崩以徙岸
谷旣移洪流
斯瀾昔與爾
綢繆今與爾
仇讎山川之險
使人
心憂欲渡無梁
我涕洟雲土
夢又待何時

猛虎行

饑不分盜跖
膾寒不衷夏
姬衣饑寒豈不
急志士微尙非
薄
俗多龔瞽逐臭
相因依祝鮀羣
情樂冉雍物論
譏斑斑白額
虎嚙人常苦肥
嗜嗜九苞鳳棲
梧常苦饑虎肥
多弃肉足飽
狼與稀鳳饑無
餘粒野雀別山
飛眷彼披裘翁
逃名得庶幾

辛籤卷二十二

三

企喻歌

男兒欲作好結交
必有人蚤蚤與
駟虛相倚始成行

幽州馬客歌

作客來京洛
本自幽并見
沙場無死戰
駟馱換蛾眉

前緩聲歌

籠中之雀必有海運之鯉
大小相笑難與較
論世人是非毀譽以愛惡如虱處禪當復思
人間之苦必有天上之歡
空清曠蕩下視殺人報怨無
端勿短歎復長歎
蒿里聚斂齊觀

題吳山賓畫扉

松翠可滴山黛如零
寒水滅沒遙見長汀
欲問津去無舟與
答延頸四望空澗
窅冥

東海有奇樹鬱鬱千霄姿下蟠萬仞根上垂千尺枝芳香郁
廣野文采光陸離卿雲繚繞之惡鳥不敢栖經年宿鸞鷲鸞
鷲洽世儀有時出雷雨一雨四方滋

徽宗畫鷹歌

素翎鉤吻眼愁胡鐵腳雙閭猛腦軀意思慄鷲條墜徐欲颺
且立勢可呼誰其圖者道君無學士臣京贊且書戴嵩之牛
韓幹馬挂滿村家酒舍堵唐寫蘭亭五千本豈有山陰但定
武意殊神王毛可憐便是當年良岳主我思杜甫觀鷹贈楊
監猶且惆悵追憶含元殿三郎閣道雖郎當翠華返正虜血
濺五國城寒滿朔風孟婆終不行方便秋風自高鷹不揚饑
則依人鞫上旋岳家好爪不容飛西湖一曲攢鶯燕淚盡冰
天寄帛書此時應不畫鷹獨畫雁

湖州忽逢孫新齋廷評鼎攜家茗水在此

句曲寒霜月茗溪盛夏風遭逢兩意外飄泊一時中國事痛
何極吾曹正自同脫衫纔發語穆駿問西東

寄白門余澹心懷

重問當年舊六朝干戈經處可蕭騷隱囊塵尾應零落石闕
華林自寂寥白板扉存知爾在黑頭公貴有人驕孝標著論
交堪絕猶向蘭心說夢蕉

天啟宮詞二首

蓮漏投籤已幾回金鋪屈戌鎖難開火城忽簇仙韶動奉聖

夫人休沐來

封章連日奏重瞳鑄德銜恩祀厥公早見文書房捧進溫綸
已票速批紅

崇禎宮詞 二首

水晶簾照月微明鴛被回身夢始驚門外稍聽牌子過鸞輿
警蹕已聞聲

宸極深嚴兼聽全刺奸密奏戒傳宣打來事件朝朝進短紙
牢封到御前

沈自然 四首

自然字君服吳江人有來思閒情二集

本事詩君服才藻紛披集多麗句纖靡穠豔架軼西
崑不陸步溫李後塵也

辛籤卷二十二

天

明詩綜君服居母憂不勝喪而卒其友私謚孝介先
生

江南樂

初景爛銀浦溘溘浮鷓鴣儂情兩搖蕩持比春江色江深蓮
子齊水煖鴛鴦飛不須更相問家住橫塘西橫塘連來浦曲
曲明如許誰打白蘋開前溪夜來雨雨霽上南樓天高水影
浮出門郎不見齊蕩采蓮舟舟輕小於蜨楊柳雙頭織啣軋
滿中流桃根復桃葉蓮花照水紅那得負情儂不愁白日暮
但苦西南風風吹早帆去作底情難訴記取石頭城門開烏
柏樹樹下卽江流風多團扇秋相將板橋上迴望大堤頭堤
頭風力軟綠刺菱香滿嫩薄粉紅嬌羅輕衣帶緩江南望江
北只取屏風隔折來梅蕊芳持寄隴頭客客夢入踟躕江南

定不如甯知可憐唱相近莫愁湖

言四時行樂詞

錄二

煖簇歡娛鬪錦營尙多愁緒戀朝醒更將何事消芳晝豈有

閒情數落英桃葉渡頭風濫濫芙蓉塘外水盈盈南山發豔

臨西苑方野文慰漏晚晴

春

清晝沈沈畫閣閒翠華宮裏見南山催成織素先裁扇喚取

水棧試作環鴛瓦雨來珠跳蕩鳳清泉遶玉纖灣輕衫短袖

迎風立一例新梳學小鬟

夏

金屋

金屋椒成鬪麗華莫言銀漢隔天涯水羅罽影沈秋月蜀錦

圍香鎖絳霞春檻綠鸚歌玉樹曉牕青鳳拂桐花誰憐越女

辛籤卷二十二

无

江邨裏巨晚臨溪自浣紗

吳道新

一首

道新字湯日桐城人天啟丁卯舉人除泰興教諭遷

國子助教改工部主事有潛德居詩集

桐舊集潘蜀藻曰湯日先生甲申後隱於桐城東鄉

之白雲巖荷衣芟裳與耕漁者伍垂四十年臺終鑿

穴於武安袁閔遷迹於土室不是過也孫易公有藝

湯目詩云十年夢斷漢明光尙有朝衣染御香亂後

親朋俱契澗老來詩益益疏狂黍離歌罷周臣怨杜

若洲寒楚客傷一自鼎湖弓墜後灞陵歲歲哭先皇

病甚述懷
玉宵峯峙白雲鄉賸水殘山一草堂但許狂歌臨廣武敢言
耆舊重襄陽病知身後埋青草愁見齋前種白楊應羨司空
能早達衣冠生壙預先藏

明詩紀事

貴陽陳田輯

辛籤

聞啟祥 二首

啟祥字子將錢塘人萬曆壬子舉人有自娛齋集

靜志居詩話杭州先有讀書社倡自聞孝廉子將張文學天生馮公子千秋暨餘杭三嚴後乃入於復社而登樓社繼之文必六朝詩必三唐彬彬盛矣田接子將沿襲公安頗涉俳體

雲棲晚歸原擬取道十八澗以多虎有戒心不果

禪林歸路晚遂伴且兼程殘雪消還在寒潮落復生望煙知郭近畏虎避山行忽忽辜清景還家意未平

過桐君山

辛籤卷二十三

訪舊桐江上扁舟此地過一山盤古木夾水送澄波風息帆橋少潮平沙激多僧幽真可語其奈夕陽何

朱一是 十七首

一是字近修海甯人崇禎壬午舉人有為可堂集

讀畫錄朱近修以詩文雄視一世作江上數峯圖潛遠空濶怡人心目是李山顏寄余者曹子顧曰余與近修同研席者二十年目未見其畫亂離之餘遊戲為之便自神詣近修有為可齋集與古大家爭衡頗有可傳者丁未夏過白門與余論畫語語當行其集中諸小記妙極形容頗有繪畫不能盡者顧審又何疑焉

明詩綜陸冰修云近修文名早擅遠避地江東屈志百里尤以才略見長歸欲披緇以老而從遊弟子力強之說經因主文杜太邱之交道日廣州來之縞紵彌多古今詩不事矜鍊而詞采斐然五言如十暑杜陵葛一寒范叔袍秋懸遊子夢日落異鄉山野火傷山近寒星照水明山容初過雨水氣忽生秋溪以傷時盡愁須醉日多僧厨三度臘客夢一歸鄉剪竹開

新徑因溪架小橋青山寒照日黃葉晚從風遠水通
溝澗濃陰接樹平妻子他鄉淚文章浩劫灰七言如
牧馬官同張萬歲進賢賞並鄂千秋關河秋色三千
里風雨冬青十二陵代北重關飛白雁京西台鎮出
黃花笛裏羌歌隣折柳馬頭關樹但生榆長江險失
韓擒虎習井春埋張麗華三楚烽煙新幕府六朝煙
雨舊樓臺瀑布秋風搖練影石梁新雨糝藤花皆音
響清鏘猶是歷下四溟敵手

梅里詩輯孝廉負經濟計借入都欲上書言事而時
已不可爲矣國變後遁逃海上饑寒顛沛百折不同
居吾里東偏蒔桑種竹顏其門曰十畝之間時寓僧
廬披緇衣講學或勸之初不應貞固之操恆於詩篇
見之古今詩才情富麗氣體雄秀

明人詩鈔續集近修五七言律英英欲上響高而氣
華
田按近修詩長於近體七言調雄氣逸尤爲到格曾
師事梅村其贈梅村有云近時高華推四傑邊徐何
李詞源決山左更數白雪樓江南莫如王弇州弇州
梅村一梓里後來者勝投袂起可知其淵源所自也

夷門歌

辛籤卷二十三

二

虎狼吞併古所聞救趙卻秦成大勳平生結客魏公子激烈
豈爲平原君朱亥狗屠感意氣侯嬴老人識名義臨風勿頸
捐一軀赫赫精靈感天地恥不帝秦亦徒然蹈海虛傳魯仲
連

采菱曲

儂愛菱花香蕩槩水中央那知葉深處驚出兩鴛鴦

楊白花

青垂楊柳枝白吹楊柳花折枝猶在手花去落誰家

還過爲可堂卽事

四壁蕭條外平蕪卽戰場殷勤逢父老涕淚滿衣裳白日肩
荆戶青燐照草堂鷓鴣聊可息慙愧賦靈光

歸澆溪雜詠
去歲金盃恒飲南黃髮
王書爲中思事業
喪亂人從老間關道已窮
有身慚故舊無淚哭英雄
投筆心仍苦
登樓賦詎工歸來唯獨瘵
多病畏秋風

送袁重其歸吳門

詞賦西京起盛名
歸舟到處有逢迎
水平寶帶芙蓉落
山老靈巖橘柚生
娃館月明寒夜色
蘇臺木脫動秋聲
鹿門亦在空城裏
坐對妻孥不問兵

維揚同社聽濤吟屬和

湖上邗關水氣雄
重看女市萬燈紅
春風楊柳興亡後
宵月樓臺隱見中
四海弟兄長夜醉
一時詞賦小山工
不堪白首天涯客
年少猶憐我調同

辛籤卷二十三

三

北塞

居庸高望極
龍沙野戍蕭條對日斜
代北重關飛白雁
京西古鎮出黃花
穿河萬里猶秦塞
絕漠三城自漢家
苦戰當年推衛霍
秋風千載起悲笳

淮望

憑虛一望幾徘徊
暮色輕煙萬里開
滄海遠帆多北轉
黃河穿塞自南來
雲邊豐沛蟠龍氣
樹裏彭城戲馬臺
澤國關山連二楚
英雄遺略感羣才

登宣武門雜興

天際高臺越客登
帝鄉極目彩雲興
關河秋色三千里
風雨冬青十二陵
洛口赤眉金鼓動
終南黃髮玉書徵
中原事業

雋匡濟誰許純鱸慕季鷹

初入都雜賦

關門纔喜出驕兵誰問懸軍絕塞營上聖幾年臨便殿諸公
何日作長城衣冠南北愁分部烽火東西逼二京聞道哥舒
新報警潼關羽檄夜催征

溪上

溪上茅蘆水抱東薜蘿徑小少人通高低白雁秋雲裏開謝
黃花夜雨中夢友不辭千里遠著書獨對一庭空倚門愁望
平原樹萬葉蕭蕭下朔風

淳化嶺

淳化嶺前一度遊關門咫尺思悠悠山風山雨隨時變江草

辛籤卷二十三

四

江花向客愁月暗空城三閣夜霜寒古木六朝秋啾啾鼠鳥
投村宿汗漫征車苦未休

當湖登弄珠樓遠眺同陸雯若

萬頃澄波百尺樓九龍迴繞戲珠遊地從天目分形秀水合
滄溟積氣浮挂席夜通三泖月開襟曉帶五湖秋眼中浩渺
情無極城市原來近十洲

春去

春去東風在何須更惜春還賴東風力吹回遠遊人

金陵送人入楚

秋江流水白紛紛不解留君但送君今日一尊吳地酒明朝
千里楚山雲

端陽

煙淨風微渚水清
龍舟羯鼓動哀聲
祇今楚國無三戶
還有遺民弔屈平

陸圻 四首

圻字麗京一字景宣錢塘人貢生有威鳳堂集

今世說陸麗京度曲四劇薄遊武塘錢仲芳大集賓客卽令吳伶演唱新聲豔發絲竹轉清四座之間魂搖意深

漁洋詩話陸講山武林耆宿爲西泠十子之冠晚年遠遊不歸或云在嶺南爲僧名今龍或云隱五當爲道士終莫得而詳也洪昉思詩云君問西泠陸講山飄然一盃竟忘還乘雲或化孤飛鶴來往天台雁宕

西陵十子詩選景宣經史論敘藻密掩通翰墨之勳先驅首路詩則綺麗爲宗符采昭爛雲津龍躍不厭才多

辛籤卷二十三

五

士博也歲辛巳吉士卒麗京東錫絮酒往會葬賦五言長律一時傳鈔以爲傑作兵後賣藥長安市上其詩文采組大朝醫方酒令觸口悉成儷語猶飯冷茶捫盃而談相對者忘其穢也晚因史禍牽連既得釋訪澹公於丹霞精舍轉入武當爲道士不知所終

鮑琦亭集講山先生與弟大行培並有盛名與其友爲登樓社世稱爲西陵體乙酉之難大行里居自經死講山匿海濱尋至越中復至福州薙髮爲僧母作書趣之歸時尙崎嶇兵甲之間思得一當事去乃返

雅善醫藉以養親會莊鑑史事發詞連講山械繫按察司獄久之事自得出貽書友人封還月且不知所之或言其在黃山子寅徒步入山長跪號泣請歸講山曰昔者之歸以汝大母在今大母亡矣何所歸寅請一歸祭墓乃從之旋往廣東丹霞山一夕遁去自是莫能踪跡寅往來萬里負粟丁求數歲卒不得竟以是抱憾死時稱其孝子於姚江黃公家得見講山所封還月且之書甚自刻責以爲辱身對簿從此不敢豫汐社之列嗚呼其亦可哀也夫

臣自序首簡云三百而隆厥體變根極情性原胎文藻軌因代殊要歸雅則是故騷詞樂府長句脛胎十九河梁五言堂構陳隋唐李則律絕稀稀也然祖

構相沿折衷論定古風極於元嘉近製斷自大厯人
代更始鄒下無譏抑何哉攷鏡五言氣質爲體併麗
存古仰逮猶近瀏亮爲工失之逾遠近體務竭情瀾
求諧音節託興漢魏選材六朝意貫語融靡傷氣格
變調無取旁門益乖故武德而降難爲古元運而還
難爲近也又況宋習鄙鈍元音偃下藝林阨運者乎
明初四家掃除不盡靡清於何李再振於嘉隆斯道
嗣興斌乎大雅然七子頽流馴趨浮濫竟陵矯之枯
率猥淺尤惡斐然自餘紛紛無關商較者矣景宣諸
體勁健不及祖望藻麗不如去矜而當時推爲風雅
領袖豈不以名德足重有在言語文字之外者耶

臨平申包胥廟

申公祠廟俯寒汀
朱戟森森掩翠扃
秋入松杉偏慘淡
夜深燈火自晶熒
山迴石鼓蒼雲斷
水漲東湖草色青
向晚茫茫空雪涕
不知何處是秦庭

客愁

辛籤卷二十三

六

瘴癘天邊幾度春
長安西望淚沾巾
趙王臺上珠如月
誰復裝金贈漢臣

河洛春行

十里晴溪芳草斜
梅花落盡見桃花
不知春色來何處
遙指江粧出浣紗

秋夜聽潘生歌

樽前歌罷總銷魂
把酒空沾涕淚痕
纔向人間聞禁曲
秋風先到故侯門

卓人月 二首

人月字珂月仁和人
貢生有蟾臺藥淵等集

池北偶談武林卓珂月崇正初作千字大人頌錯綜成章甚有理致

秦淮竹枝

兩岸高樓倚白榆樓頭入面映蝦鬚雨絲風片有時有雲黛
煙鬟無日無

東吳竹枝

光福楊梅血色斑洞庭芡實八珠環天生兩種堪銷夏何必
吳王消夏灣

夏縞

縞字雪子嘉善人天啟諸生有西泠雜摩孤望三集

橋李詩繫雪子詩早務纖豔既海之漸趨空淡一派
至南中夢遊諸作與削蒼涼點染特絕妙句尤多風
調有竹枝縹緲之音

夢同錢彥林遊雞足山亦猶盧綸同吉中孚夢桃源也

辛籤卷二十三

七

因賦

步步焚香燈百里皆禪寮懸巖縛瘦屋高下隨山椒有如巢
林羽一一綴寒條客子脫青笠隨意挂僧瓢飯宿無前期但
望風旛飄松杉響今古盡烏號晨宵梵唄出澗壑鐘鼓過亭
橋如何繁音會聽之增寂寥曹溪一夜雨流沫復如潮

至滇幕寄答扈正大師

白浪青厓處處愁無端萬里卻來遊遠心自欲投雞足禿筆
非真羨虎頭海際孤萍來澤國天邊一髮到梁州歸來還約
師同住閨盡花開共水流

昆明女兒歌二首

皂笠遮紗覆額雲猩紅小襖醜如菱為嫌鞋齒頻兜襪高曳

巒花綉蛭裙
王洪公韻

鸚鵡新雛不肯籠
但將梳掠鬪春風
朝來粉頰微添白
卻繫雙鬟瑟瑟紅

南中曲三首

盡說哀牢漢不如江珠
片片碎芙蓉
竹枝近譜蘆笙曲
木夾遙傳貝葉書

不數闕支北地能
女酋騰騎疾於鷹
繡旗閃陣朝擒賊
錦燈遮燈夜供僧

小小螺山亦破鞵
青青草海卻通渾
波燃白火招漁舶
路撲紅塵趁虎街

趙韓一首

辛籤卷二十三

八

韓字退之平湖人國子監生有橈言蠟言蔗言

田按敗頑間竟陵之說甚行家矜牛鬼人詭蛇神奇
奇怪怪何所不有海鹽陳則梁平湖趙退之挹其流
波余錄則梁詩了知年命促姑妄話神仙猶見解脫
退之詩孤主河山如五注羣公門戶自金湯特自警
策譬拾金於恆河也

送馮茂遠北遊

知君邱壑意中多
客路風塵奈若何
我是長門愁怨女
慙慙勸爾畫雙蛾

韓曾駒四首

曾駒字人毅後更名顯德烏程人諸生有悟雪齋集

吳興詩存人毅甲申後棄諸生棲遲庚村以老

田具詩用王荆公韻

耕牛莫不賦耕王御草無不歌香車
春耕雨一犁蹶浮水滴滴夏畦病炎歎早耕日未出秋穡策
元勳快此萬寶實相齊而商歌我耕非汝匹

耨鋤

勿用曲如鉤亦勿學劍直雖以柄授人利器不可得田疇闕
廢興斯物無因革陳涉昔亡秦以此代鋒鏑

牧笛

青草煖茸茸知是牛眠地牛歸依夕陽背上生秋吹吹萬此
其一人牛俱適意丁男揮汗鋤輟耕羨童穉

錢鏹

執器問老農不辨錢與鏹鐵官久失職磨厚使之薄一冶別

辛籤卷二十三

九

名象利用在除惡悟此艱難中無逸可無作

韓繹祖六首

其一 人繹祖字茂貽烏程人諸生與總兵金有鑑等起兵復

舊草 湖州兵敗匿僧舍見伶人衣冠上場大慟而絕有詠

性堂遺稿

田按茂貽與總兵金有鑑推官戴重貢生潘國瓚諸
生王光祉布衣蔡亢心王元震起兵據湖州府城兵
敗有鑑國瓚光祉亢心元震死之重中箭洞腰背歸
鷹阿山傷發死茂貽避匿僧舍一日偶見伶人衣冠
上場大痛而絕

宮怨

獨倚長門望寒鷗影又斜何人承雨露對爾惜年華薄命霜
前葉新恩鏡裏花知憐玉階草無分過香車

九日庠起

策步及新晴天高野水平醉餘成小隱睡足勝長生林密行
無影雲空過有聲東籬時在望誰可對秋英

揚州哭史督輔老師墓

權臣內擅外強滿來往江淮一旅屯馬革空留酬義骨龍髯
追從鑒忠魂運移諸葛終無效力盡睢陽又絕援夢裏旌旗
催北渡孤墳何不葬中原

寄鳩茲沈崑銅

鉤黨餘生賴鬼神士生斯世正逢辰誰當管國眞男子尙有
荆卿舊酒人老去文章多磊落亂餘肝膽益輪囷花前雁後
年年侶鄭重相思切主臣

辛籤卷二十三

十

寄林確齋

英雄今古亦何憑廣武城荒孰再登壯士歌空悲易水眞人
氣久望春陵私將痛哭留天地恐發狂言累友朋京國飄零
餘落日青峰江上自層層

晚秋臥病雪巖寄懷諸同志

十年戎馬脫重圍霜雪初寒客少衣患難投人雄氣盡笑言
隨眾苦心違挽回潰海眞無策流落名山亦當歸劇子孟原嘗
皆已盡西風蕭瑟掩柴扉

陳梁一首

梁字則梁海鹽人有竟園詩命者齒浣筆池藏稿个

亭集

橋李詩繫則梁年十八販依蓮池大師法名廣籍未
幾走長安上書不用晚年無意於世自稱散木子有
竟園詩人稱竟園公有命者畜浣筆池藏稿或稱俞
者山翁亦稱浣公甲申後造庵居之稱个亭和尚自
題其墓曰生無愧作去無牽纏其聯云與爾同龕枕
米汁至今孤塚有梅花足个亭集為文光怪崛特奇
不可向而事必準古言足垂世詩亦如之評者謂其
如湘川亂雲裁眉殘雪知言哉

病

八病心尤靜天晴竹更妍想唯棋客至妙得酒方傳塞竇憂
風仄推窗喜月圓了知年命促姑妄話神仙

錢士馨

一首

士馨一名默字稚拙又字稚農平湖人貢生有廢笈

集

靜志居詩話稚農入燕遇寇變著甲申傳信錄十卷
頗不失實平生賦詩無多能遠時習

辛籤卷二十三

上

橋李詩繫士馨入南雍見知於吳梅村尋入燕公卿
爭欲客士馨士馨久而厭薄之人斬目為狂生賊犯
京中允李明睿密請南遷士馨私謁之泣曰賊盡得
秦隴晝夜行四五百里倘獲出畿南以犯警蹕公將
何辭以謝天下李慙懼又曰不知死守以待勤王之
兵先遣太子南行以繫人望李難之及京城陷士馨
匿迹樵林竄於兵戎禍亂之中每多憂懼感憤發為
文章後常往來河朔間盡交其豪傑偶借五人至慶
陽衛暮徵兩五虎躍出士馨一少年殺何以見諸君
勇力乃人發一矢當者立斃獨不與許
虎入林莽中追制其舌以報至旅店縱飲獨不與許
年酒責之曰發矢不中要害不足多也後奔走無所
成自策其騷賦詩文日廣笈集別著甲乙圖書一卷
古文易二卷續越絕書十卷曹國志二卷風略一卷
成陟外乘一卷傳信錄十卷其餘贊事一卷每摺掌
表十卷士馨輕財好客工古文詞兼精書畫每抵掌
古今必縱橫數千言卒至窮老以死亦可哀已

漫興

水落波平菡萏稀玉河銀溜冷斜暉幾回雁字來沙漠每見

熊旗出帝畿莫北梧桐還乍脫江南鱸膾又空肥砧聲未聽
敲窮巷早有微風侵葛衣

李寅二首

寅字寅生一字曉令嘉興人諸生有視彼亭詩魚喁

飛雪天草

明人詩鈔續集曉令於明詩人階大復昌穀兩家若

太倉歷下諸公則曰姓舍是蓋矯七子之派變而得

其正者

詠史

炎運既淪頽海內蕩無紀讒邪日高張君子道終否於時頽
川彥偉哉得元禮荀陳互師友躬賈實知己龍門一何峻模
楷天下士疾惡意若讐獎賢時借齒名高怨益深黨禍從茲

辛籤卷二十三

十一

起元黃遞紛爭黑白誰見理苟爽諷自全鄉人亦云爾剛腸
竟不移抗節心所矢不惜遲暮年慷慨輕一死豈伊詆人亡
所嗟大厦圯遙遙千載餘烈烈光遺史撫卷仰風裁儼焉當
御李

曹家灘後夜泊平望有感

大吹寒塘寂漁歌次第生遺愁明月好多難故園輕野曠林
無影天空雁有聲風波今夜少差息旅魂驚

俞汝言二首

汝言字右吉秀水人諸生有大滌山房集

橋李詩繫右吉身矮善談諺為諸生不遇國初葉
舉子業自稱漸川遺民遊燕趙韓魏宋衛閩粵之鄉
越雲中雁門歸而閉戶著述篇帙之富近代學人莫
與抗衡者

靜志居詩話右吉早著名於復社其文氣逸格高詩亦文華中有眞實

井陘道中

東馬嶸崎道路艱馳驅猶是漢家山懸流苔洗將軍壘落日
煙封娘子關垂黍秋田辭戰伐橫碑古澗費追攀兩看旅雁
遶江北自愧征衫不暫閒

大名九日

搔首中原去雁號帝邱景物倍蕭騷愁歛白帽清霜逼風捲
黃河濁浪高在野樓臺臨大澤摩天鵬鷲見秋毫射熊戲馬
何年事聞道漁陽羽騎勞

鄴中懷古

漳河清濁太行東此地會聞霸業隆川岳無心悲鼓角邱原

辛籤卷二十三

三

何處問英雄鬪雞關馬興亡外冰井銅臺涕淚中獨有翠波
雲表立鈴音獨語向西風

祁鴻孫一首

鴻孫字奕遠紹興山陰人

懊儂歌

雙鴛隔雙壘織縑一百鐻兩月不成匹

中丞道中

明詩紀事

貴陽陳田輯

辛籤

萬時華 十三首

時華字茂先南昌人崇禎中徵士有漑園東湖二集

黎遂球蓮鬢閣集茂先五言古出入陶謝七言律澹婉清麗如温飛卿李商隱

西江詩話崇禎末詔舉堪守令者茂先應徵北上抵邗江病劇粵東黎美周廣陵鄭超宗挈舟徑造茂先

喜甚猶賦詩云病逢勛倍藥快聚夜頻鴈臨没口占二截半世殘書裏關門坐小樓虞卿是何物不了著

書愁窮通真偶爾來去亦憊然我愛裴中令虚空不礙禪從容危坐而卒茂先詩尤工五言其氣深厚其姿淡逸

徐世溥榆溪逸稿詩人萬茂先其言精美温潤體備氣醇

田按茂先田居詩陳士業舒伯言亟稱之集中七律

清婉劉亮尤為獨絕

辛籤卷二十四

歲暮田居

有引 錄四

負疴中田歲律云暮時謝賓遊以親妙藥旁視四壁

忽忽意動吟咏遂生積五日得二十首詩不云乎獨

寐寤言余之謂矣

幽居念疇昔日月忽已今無論悲與歡事事勞寸心宇宙一

泡幻謗譽隨升沈誰識道旁牧慨慷揮黃金復思隆中叟三

十逢知音高臥北堂上羞同梁父吟

獨處行易悲我反甘茲獨出門語嘿乖聊此愼榮辱歷覽貧

士傳幸同古賢躅薄暮何所懷愛風倚修竹

陶公有清怨含意獨不歡枕席晤千載耳目皆悲端眾但慕

高節此意終不傳古壁照燈影破爐生暮寒孤憤託尙友撫
几流長嘆

張鳶隱深竹仲蔚樂長蒿風塵昧至性幽翳良自逃宅東有
高畝負巖聊周遭左渠帶長川蒼然山氣遙卜築暫云始綺
季徐可招榆柳前後列蔬蔓縱橫交長揖謂園叟開春護新
條小人學爲圃飛鳥營其巢

父佳樓

朝登北城風怒號沙飛十丈寒雲高春鴻欲歸呼其曹樓頭
歌管聲嘈嘈此地管絃朝復夕父老經過多太息城中少年
那復知云是當年僕公室僕公生長自邊塵白花洲畔吟餘
春秋風五桂散遙馥兄弟出入皆朱輪潮陽歸來遍紅巾翰

辛籤卷二十四

二

林樹幟城東門堞摧檣折鼓聲死清池湛湛哀英魂從者妻
子十一人葬者道士陳白雲東風花開鎖空宅狐啼鼠竄無
朝昏僕家之樓夕佳額滄桑轉眼悲行陌凭闌風物誰獨存
章流靜照西山色城邊擊鼓白日低明月光中烏夜啼游人
醉舞公獨悲霜天客散鷗朱旗一朝幸遇李夫子爲汝拂拭
揚髻眉樓頭歌舞如昔時樓下木主公安之南州一片中華
土節義晶晶亘今古後來孫許氣如虹日月河山共吞吐中
原寇馬今復馳江南江北多鼓輦公排帝闈叫閭闔爲我擊
賊綏蒸黎

西江志僕家樓元末僕列篋闔門死難有司徒其樓
於西北城角以旌忠烈萬歷間更名夕佳樓

春日張玄逸竹雪齋同朱鬱儀張曼胥胡實美戴大圓

李雲將各賦

七子林中約依然竹下盟
疏煙宜弱柳輕雨溼春鶯
大業千秋社偏師五字城
杜陵花事好今日慰平生

清涼臺懷古

高臺同一望人照夕陽多
豐鎬餘亭榭陳隋舊綺羅
美人曾玉樹衰草失銅駝
怪得當時烏城邊喚奈何

過素園理雲將遺集懷然有作

千遍題詩百舉觴昔時風雨共
閒房藤陰尙覆攤書屋樹影
空搖看竹床憶數春花紅在樹
或眠秋簟碧爲廊相如狼藉
多餘草寂寞文園泣武皇

下第送芭孫之蕪江兼訊崑銅諸子

辛籤卷二十四

三

淚盡蘋花不自由與君同恨別
孤舟貧多去國家難問賤欲
嫌身客未休月照離魂生古岸
霜催寒信入輕裘尤憐脫劍
逢知己江南江北處處愁

與黎美周徐巨源飲喻京孟瑤光昆仲三洲亭夜汎舟

于湖有作

共選晴湖泛綠莎三洲亭向午
餘過詩情入韻多因柳酒氣
分香半雜荷島嶼斜連疑海近
樓臺深隱覺山多知君近訪

林逋宅疏影梅魂近若何

美周來自西湖

吏隱亭

橋水東西孺子鄰當年仕隱各
全身龍蛇今古孤亭晚桃李
晴陰萬井春大漢冰霜留氣韻
重湖煙月照精神因君敢慢

今時尉簿領趨馳或有人

孺子祠

舊宅曾聞傍水濱祠堂古岸照嶙峋五陵樹已迷狐兔一榻香猶薦藻蘋意氣何人傾赤社英雄滿地兆黃巾當年龍戰終多事千古冥鴻屬外臣

述懷

芙蓉萬樹照晨梳短髮蕭蕭愧不如老圃東家堪作伴苾衫蓬鬢帶花鋤

觀別

芙蓉無態颯寒波只爲空江別怨多欲識滿汀離別意亂煙絲雨奈卿何

馬猶龍

八首

辛籤卷二十四

四

猶龍字季房廬陵人有洛如館集

蕭士瑋蕭齋日紀馬季房語余云近人之詩蕪音最多切響甚少何也余謂律細格老與年俱進皮毛脫落乃見其實虜畜良馬初不令其跳躡每夜必繫其銜勒不容親水草旬餘浮臆盡消筋力怒張日馳數百里不倦饑渴不能爲之困作詩而多蕪音累氣皆由浮臆未盡耳

書影蕭伯玉云馬季房詩黃茆白霧三千嶂瘦馬單衫十八盤林陵舊院繡幕鶯花三月雨畫梁燕語六朝春故自佳

愚山集季房嘗夢誌公啖以乾松香氣猶在口遂棄制科業一意談無生然任達飲酒輒醉臥間遊金陵吳越及嶺海皆以詩自娛清新可誦

西江詩話季房洛如館集宣城施愚山捐俸銀板毘陵楊太史大鯉詩云廬陵詩人馬季房花片遊絲落腕長又云君看洛館存遺草待得西湖使者傳愚山時爲湖西憲副也

田按季房詩清音亮節如豪竹哀絲聽之令人意爽

雪夜宿甯國寺

雪深林際寺蕭瑟動寒松言尋上方侶頗諸塵外蹤
暝痕銷霧薄履跡破苔封野園鳥雀亂行人曠未逢
忘言永今夕僧起叩寒鐘

過青原清幽谷

山重水複谷名愚一筇一屐吾與俱過溪二十四道
殊一一坐石聽笙竽碧篠黃花生石膚青青寒蔓水中蒲
深潭皎潔明鬢鬢沁入心脾照骨癯且復與君立須臾
摩挲雜樹辨根株丹林秋燒引崎嶇空山沙迹走麕麇
清幽僧舍隱如菰雲竇寒泉瀉入厨芋魁瑩滑如玉腴
山薑野菌當園蔬青山白雲道不孤世人欲覓無其途
誰爲後來繼我乎林深蘿合鳥相呼

辛籤卷二十四

五

信州水巖臙舟登飛雲閣

似是桃源道頻通漁父船蓮花披石秀雲錦照川妍
江中有蓮花雲錦壁合空遺蛻丹封不記年瓊田鶴駕杳故物爲誰傳

過寶龍寺

幽蘭香一室老柏翠當門春信經年隔燈花昨夜繁
清池開白曉新月帶黃昏猶有營巢燕銜泥認舊痕

蘆林菴贈石照師

蘆林雖一宿已作數年期泉莫鼓三疊峯猶憶九奇
茶香通活火菊老曠疏籬欲析無疑義支公別有思

武功山二首

知坐茅菴翠幾層冷猿遙挂一枝藤白雲峯頂千秋月夜夜
寒光照定僧

獨有空林出梵音愛山不覺住山深閒來欲問齊雲路落葉
蕭蕭不可尋

安成石屋觀周日培新構草堂

松堂人靜晚煙稠樹古雲龍小洞幽獨倚曲闌看翠滴不知
山色在高樓

徐世溥十三首

世溥字巨源新建人侍郎良彥子崇禎時諸生有榆

溪詩鈔二卷逸詩二卷

方以智浮山集巨源天姿過人出以易直下筆馳驟
秦漢唐宋推取其氣在我舒卷

辛籤卷二十四

六

西坡類稿余到南州三載求徐巨源文翰甚渴自陳
伯幾所刻榆溪集外卽片紙不可得今春聞羅飯牛
誦巨源贈詩云雲山已是無常主更寫雲山賣與誰
又云記得扁舟初過訪草堂門外水齊天令人諷嘆
不已

田按巨源文學昌黎有酷肖者詩丰神戍削有疏竹
幽花之致身遭亂離憔悴哀吟中有不堪卒讀者晚
歲遇盜而死哀哉

山詩初夏苦雨毛浚明潛夫置酒寓樓

羣峯如主人日對樓中客客寓復幾時又見荒草碧嗟峨好
髻鬢倚天蒼翠滴當其雲雷蒸縷帶迷咫尺豈不愛奇觀孤
懷難達夕我心如青山欲雨便頭白一觴可晤言所以資酒
德

丹陵觀

余寓齊源寓東不數百步爲丹陵觀址村巫家其西

偏觀有田及山並南唐齊王李景遠所施齊源之爲
齊以此也朝代漸更林莊漫滅齊王像亦移入旁小
庵矣惜其無文采賓客故編史靡得而詳作丹陵觀
詩用表源之所由名焉

初夏

不復論時節閒中候自明棟花風送袷瓜蔓水通耕輟草成
跌坐微泥得緩行綠陰如夢裏喚醒有啼鶯

八日送陳元水之金陵

正是東風七日元草堂薄醉又經年雪分浦色初知岸晴破
江寒未散煙鐵騎頻關孤驛夢金陵好寄遠遊篇蒼茫詩思
斜陽裏無限離愁付短弦

萬里長所居

溪上芙蓉照板扉澄流激瀨濺荷衣鷓鴣得食排沙睡翡翠
銜魚掠水飛樵唱不知人在谷漁歌真令客忘歸山中明媚
看如此忍令波光趁落暉

過舒子山莊賦別

爲愛騷人靜可羣檐暉涵碧漾苔紋遙同側帽吟移影近佐
支鐺煮沸雲山鬼聽琴篁際伏林猿擲果夜深聞奇峯香靄
平分取留得秋光讓與君

山莊寄懷石莊博菴

老得山居足自由
晴窗飯罷未梳頭
燕窺簾捲街泥返
書破風掀帶葉收
小倦課奴尋藥種
乘酣信步似春游
惟嫌離索違同調
每一花開憶獻酬

三月三日同謝聖虞訪拙公并爲公定菴名

久淹冰雪閉游函
直到花時禮燕龕
春草屐憑康樂引
暮雲心向惠休參
難逢上巳重三會
新得嘉名白一菴
歸路催詩煙柳潤
仙壇斜雨共飄氈

春詞

不飲已如醉濛濛
況日斜遠鐘殘
夢後酒氣似梅花
辛未春中逢晏山人彈陽關操

一別麻源酒幾傾
支離已見二毛生
十年風雨陽關曲
今日辛籤卷二十四

重聞第四聲

書桃源圖

落英芳草閉桑麻
客到驚聞世代賒
津路早知紅樹引
秦人應梅種桃花

初秋江上聞笛有懷同社諸子

似在天涯似比隣
若爲縹緲訴情親
西風一夜江湖白
處處蘋花惱殺人

看晚穫值守齋上人經過御寄香城諸師

又逢秋孰客愁增
爲羨高空萬念冰
三十九峯霜月滿
閉門便是六朝僧

余正垣一首

正垣字小星南昌人副使曰德孫貢生授主簿有音

漢水徐邪園集

傳錄

田按徐巨源作南州四子傳四子者劉斯陸士雲李奇平叔鄧履中左之余正垣小星也四子皆能詩余遍搜遺集僅得小星平叔詩二子無傳焉附見名字於此

王猷定

花氣和香煖風絲伴帶長凭欄呼小婢莫去繡鴛鴦

王猷定 十首

猷定字于一南昌人貢生有四照堂集

韓程愈集于一身長八尺貌魁梧意氣豁如議論風發談天下事如觀手中卷摩羅果纖細舉似不失毛髮為文猖狂恣肆隨筆所如無不深合理道天資善書臨池之技可以籠鶯客揚十餘載所交客滿震區而梁公述史蘧菴最其所善時或飲酒淋漓而下其亦所惑者深也

辛籤卷二十四

九

靜志居詩話于一以詩古文詞自負對客斷斷講論每舉一事輒原其本末聽之齷心蓋兼有筆札喉舌之妙者其行書楷法亦自通神
王暉今世說于遭亂居廣陵窮愁著書力追大雅海內能文之士翕然推之客死西湖篇帙散失大梁周司農刻其遺稿行世
田汝于一詩駭情古意跌宕若蕭寥五律一體尤哀咽動人

螺川早發

月落秋山曉城頭鼓角停長江流刺夢孤棹撥殘星露溼鷗衣白天光雁字青蒼茫回首望海岳一孤亭

泊舟揚子橋

鞞鞞風濤外閒心寄沈寥馬嘶黃葉岸人急暮江潮塔影眠寒水谿聲走斷橋夢中敲古岳長憶廣陵蕭

反揚州喜晤孫無言八韻

卻訝秋還在蕭條滿目非江山千騎暗城郭一人歸見子南
冠淚猶驚楚客庭院花何爛漫寂寞伴伊威

阜城

莫問祖龍繼稽琴亦不聞智愚千載事今古一谿雲寒鴉啼
荒井梟狐嘯野墳往來多涕淚幾誦蕪城文

誕日口號

母逝悲今日吾衰慢昔年眼昏雙淚後髮白五更前狐嶺橫
兵甲龍塘買墓田夢回先訓在嗚咽蓼莪篇

登燕子磯

來問草堂寺初鐘已度橋人煙屯石港漁火上江潮野戍重
關靜王畿設險遙憑高天萬里僧影共蕭蕭

辛籤卷二十四

十

贈某上人

僧來方臥病老去復逢春煮藥妨茶竈挑燈問海濱琉璃能
悟性翡翠不謀身剡卻詩名好還娛白髮人

贈王雪樵先生

黃流厭聽莫聽冰古路隄河細似繩愁過客邊新蜡臘淚多
家傍舊園陵夔州以後論工部凝碧歸來識右丞誰說渡江
東晉事太原風概自棱棱

聽柳敬亭說史

英雄頭肯向人低長把山河當滑稽一曲景陽岡上事門前
流水夕陽西

青來爲公狄畫鷁合圖口占絕句

一鳥哀鳴訴九州
斷雲落日動荒邱
知君能寫飛鳴意
難寫無聲地下愁

李奇 一首

奇字平叔新建諸生

榆溪逸稿劉士雲有所遊平叔為詩送之不得驚人句乃作送士雲遊蜀詩一時傳誦以為李賀復生士雲非遊蜀也乃故誤其題以就其佳句耳平叔為文非面如土色不止卒以瘵死

夕佳樓晚眺

平楚蒼蒼歸雁驚
葦蕪芳草傍寒生
天隨野色低春岸
雨帶江帆隱暮城
石壁遙將孤影落
遠山微透數峯明
卻開蘿徑遲明月
渺望煙波祇一泓

舒忠謙 一首

辛籤卷二十四

十一

忠謙字魯直進賢人修撰芬孫崇禎庚午舉人

劉綆墓

石馬陰嘶霜葉飛
靈風陣陣捲斜暉
傷心馬革無歸日
萬里招魂葬蟒衣

湯開先 二首

開先字季雲臨川人知縣顯祖子有潭庵集

江西詩話季雲喜為詩少慕徐文長後嗜鍾譚常因作十燈題舉友夏照殘身益幻看定妄難生之句以為妙絕季雲詩傳平叔序而傳之稱其哀國篇雄深慷慨似法少陵惜亡其稿而又以乙酉後流離隱約變徵之聲皆不復可得為惜云

百花塔

塔在百花中花紅塔亦紅欄杆鶯報午鈴鐸鳥呼風野火將

燒佛天香欲滿空至今洲上草金碧映芳叢

登青雲峰

選勝無如此地登頓令暑思冷於冰閒雲來去常如客亂石
縱橫不礙僧寥廓入秋聲每應孤高得我氣相凌祠前古木
斯人在任爾顏闌一曲凭

陳畫一首

畫字惟易金谿人諸生有雜言

江西詩徵惟易讀書躬行尤邃於易為艾千子所稱

山泉歌

左泉右泉照山影入山出山聽泉音遠山縹青近山碧大泉
鐘鼓細泉琴泉上衣雲天女侍山下冷風仙梵吟無生鄉在

辛籤卷二十四

十一

山泉裏欲問蓮池深更深

空泉空泉離山溪入山出山聽泉音遠山縹青近山碧大泉

山泉歌

畫字惟易金谿人諸生有雜言

刺畫一首

畫字惟易金谿人諸生有雜言

畫字惟易金谿人諸生有雜言

畫字惟易金谿人諸生有雜言

登青雲峰

燒佛天香欲滿空至今洲上草金碧映芳叢

明詩紀事

草堂天... 貴陽陳田輯

辛籤

于奕正 五首

奕正初名繼魯字司直宛平諸生有樸草

詩觀可直詩清真澹雅迥絕塵俗

靜志居詩話司直好古嘗集天下金石志雖未詳核亦足繼東陽王象之書其詩南學於楚然燕趙之風骨尙存

田按司直與劉侗著帝京景物畧遊白門將續著南

京景物畧書未成而卒崇禎丙子元日讀史得陸士衡傳卒年四十三以為亡讖已而果然年亦四十三也詩學竟陵清韻鏗然蓋彼法之錚錚者

從戒壇至凌碧峯下

一峯聳奇秀數里引人行石碎不受履下步聲鏗鏗路幽境

辛籤卷二十五

屢換蒼翠難定名深洞限秋陽峭壁掛飛蕙寂不聞眾響萬壑自成聲巖下坐老衲古澹含山情歸去失前徑處處暮雲

生

雨宿潭柘

山空不易眠忽聽千峯雨洵湧欲崩屋與山相吞吐百千萬億聲奇詭不可數深慮阻遊展起坐窺甯宇凌晨急啟扉雨細不溼土乃省夜來聲風葉交相舞

白門初尋無補

別君歲辛未寒暑今三往昨歲寄我書云宅秦淮上薄竹影草堂天地此中廣我來挂秋帆江梅照兩槩登堂不暇揖汲汲話今曩我游君暫居各受山水養拜手告遊情導我踏空

期

清明高梁橋同顧字尹王敬哉遇雨

霽煙護柳陰茫茫沙塵影斷聞溪香沿溪來往人遊冶人聲
齊向溪中寫歌不能停酒欲空奔壘理策心匆匆

李卓吾墓

此翁千古在疑佛又疑魔未效鴻冥去其如龍亢何書焚焚
不盡老苦苦無多卓吾晚年著書名老苦潞水年年嘯長留君浩歌

喜葛震甫歸自固陵

冬聞君始出意外得君回鬢滿崧高雪衣香江上海見遲增
別緒遊老健詩才款款青溪上古今懷抱開

王袞七首

辛籤卷二十五

王袞字補之一字幼迂益都人貢生有四雖軒蕙業軒
二集

榆墩逸稿今之能詩者才人則益都王補之其言超
忽英麗風起霞變
田按袞之名在復社詩格斬新不落當時成派大滴
水巖一篇有玉川子之風

送家兄北上

青油六尺車中有千里道祖席秋風園清晨自冀埽豈不念
弟兄團圓暱邇好出處各有期振名惡草草衰門望寵光窮
檐待襁褓國論在今日羣谷走秋潦富貴何足言竹帛真可
寶

大滴水巖

天公訶鬼鞭鯨鯨鳩嵐庇霧為雄城上削千仞露毒醜旁旋

一曲開掀錯君看巖巖上注水此豈有物相搏攫乃知東歸
及潤下曲儒之說談何輕黃琮白琥墮破碎衝牙雜珮行敲
鏗茅檐滴溜見較較糟床瀉酒聞丁丁千尺下屯油黝綠一
畝不動天清明賞去徑須買茗具汲不悔來攜瓶罍猶訝鐵
削無寸土走松攫檜相擎爭冬卉縱枯香可認得非射干與
杜蘅匹鳧傳鷺各唼素鱸文魴恣逢迎人間勝絕自卻擲
留與魚鳥爲登閣王維鄭虔骨已朽倩誰頽此歸宗生嵌巖
題句欲紀勝千塗萬竄終庸平山川奇麗詩羸拙山靈定自
嘲我僉以茲俯臨不敢照正恐塵土黷淳泓乃聞貴遊將築
第鳴鑼呵道松蘿驚無論獺鶴解拒客名朝利市終牽縈我
今不來戀底物逝將買此開柴荆村農少械正足友坂田雖

辛籤卷二十五

三

瘠猶堪耕文杏壓油清可鑿靈柿醪酒甘難名松柴半日斫
成硃石屋千錢齎爲甕若須成名訖婚嫁何異坐俟河之清
午睡

檣床湘竹細鈎幔越羅輕枕畔殘書墜孟邊渴風行堂虛煙
正直心靜夢分明莫報閒書札吾方稅赤城

幽亭

亂葉結幽亭山當四面青溪連寒靄汲門共野雲肩剩擁書
千卷寧須帶萬釘匡牀過馴鹿機事已全冥

愁

閱盡浮生曲折愁拌將百念放歸休虛名與夢觀何異徂歲
如駒挽不留天上有方期鍊骨人間無地與埋憂功名碌碌

尋常事猶恐無兒似鄧攸

送唐右文留都地官

候吏江邊炬火迎征帆齊指秣陵城曉趨畫省踏花去夜泛

清溪載鶴行燕子磯頭潮未落謝公墩上月初生可憐高髻

長干女一曲吳歌惱客情

逐思

稷離期身事本賒休哉歸去理煙霞倦遊年復期千里漸老

徒思著一家人似右軍惟種果業如鴻漸但名茶明時隱退

誠何有譬損恒河一粒沙

巖首昇

四首
首昇字平子華容人崇禎中拔貢鼎革後削髮為僧

辛籤卷二十五

四

有瀨園集二十卷

田按平子論明詩推李空同徐青藤湯養仍不許與竟陵而所作乃與竟陵無殊惟七律音節寮窅曾入復社與孫孟樸通聲氣集中有上某尙書一書即楊文弱也詆斥甚力可謂公論而鄧湘皋謂武陵受榜由瀨園一札矯誣無端夫武陵之惡天下共知豈待瀨園一札湘皋之論亦鄉曲阿好之私而已

石頭菴

到岸江河永朦朧山可登更乘未落月去訪既眠僧方丈存

雞犬柴門補樹藤回看舟在下厘市總峻嶒

下第

寥落風塵獻策頻金裘何地不西秦門垣半圯凝塗葵兒女相憐似故人世亂一身歸已足年豐百指計猶貧還家下第如登第親舊填門過一旬

種菊

墾山芋粟舊盈廊更插籬間菊數行
萼滿客應知冒雨苗移人已意重陽
從今賜姓非陶氏共爾長年到雪堂
家在石門天半裏不須九日問高岡

孟倫壻為子築室山中每至則招故人小集

終慙轍迹與人同谷口頻來意始同
無幾親知投世外有緣兒女嫁山中
衲衣久久皆諸俗竹杖徐徐欲御風
似此行窩便徙宅不煩迎送娛兒童

莊祖誼 三首

祖誼字宜穉成都人

靜志居詩話全蜀入復祉者八人宜穉詩名特著惜流傳無幾

辛籤卷二十五

五

岑公洞

詰曲巖前路欹斜洞口碑瀑飛千尺
雪雲養萬年芝虛谷樵相答危龕月
倒垂到來幽絕地乍可脫塵羈

甲午除夕

丙夜平頭近燭光誦誦苦語訊行藏
花笻雪舫奚生計翠管銀餅幾拍張
去日已驅丸下坂來朝更值偶登場
綺疏曲象紅泥煖卻拍誰家柏葉觴

九日雨花臺懷古

雨花臺畔踏秋行懷古登高雜感生
六代尙餘衰草色三山猶枕大江聲
祖龍黯黠藏金氣泥馬虛無化石城
搖落不堪頻悵望夕陽殘笛總關情

趙士喆十二首

士喆字伯濬掖人貢生鄉人私諡文潛先生有觀物

齋詩東山詩外

濤音集西樵曰文潛詩劉維頓挫頗宗少陵古今諸體淵源並遠其放筆坦縱時近蘇陸要是豪人本色至遵海大節近扳謝鄭遠規夷齊余挽文潛詩云縱使魂兮化朱鳥也應獨食首山薇蓋執鞭之願於此在矣

漁洋詩話伯濬甲申後避兵登州之松板山遂不歸與弟子董樵耕海上著石室談詩建文年譜窺宮詞若干卷弟士亮士冕皆能詩靜志居詩話伯濬倡山左大社以應復社捍鄉里之牧園效信國之集句嘗創稿縱談天下事思上之朝見陳啟新用事恥之不果顛沛終老殆臨江節士扶風豪士之流

詠懷

磨刀苦不利刀利傷人指締恩苦不濃恩濃為怨始獨坐悅

辛籤卷二十五

六

然嘆命駕適都里都里何續紛裙屐展遊閒子握手惠若蘭目笑語以耳相得詎不歡達人悲所止甯知君子心澹澹如明

水

詠懷

陽春風初和驅車游皇州平原明朝輝層城如雲浮高楊綠長川丹霞樓瓊樓驪駒誰家郎翩翩臨清流雕弓飛金丸銀鞍懸吳鉤從禽平陵東還歸倡家游胡姬顏如花琅玕為搔頭留君調新聲哀歌彈箜篌清宵華燈張輝煌羅衾稠人生當為歡誰能長憂愁嗟嗟三元經儒窮年無時休

哭徐行吾

造化如小兒修短紛相錯賢人構龍蛇君子為猿鶴里中書

信來使我悲且愕我知君夙心化去如解縛所悲道義交筆
硯從總角夜來忽夢君落魄猶如昨方悟隔幽明遽然分夢
覺三復少陵詩神交付冥漠

辛丑擬遼宮詞九首

銀鑿交爭愁未平六龍親駕復西征安邊自是男兒事枉卻
當年嫁義成

雉尾交輝寶蓋飄欣瞻御像降丹青天王眉宇傾夷夏北極
羣靈夜夜朝

年來南北靖烽煙西夏高麗各晏然聞道中朝相司馬至尊
秘敕慎開邊

自解衣冠策晉王石劉兩主號兒皇河山不改雄圖盡白髮

辛籤卷二十五

七

宮娥淚萬行

晉王石劉兩主號兒皇河山不改雄圖盡白髮

燕京容易便迎降誤我艱難到海邦草草束裝如夢裏賜釵
忘卻在西窗

頭魚燕罷醉顏酡那辨夷歌與漢歌怪道賽神仍撲馬洛陽
天子卽沙陀

南國知名花見羞久應無復舊風流美人自分甘黃土誰酒
徽陵飯一甌

李子纔熟穿杏衫清和天氣像江南記得去年今日雪近臣
煖帽侍朝參

大梁清禁隔蓬瀛仙眷何來五國城兵矢餘年持苦行漢宮
環珮乞來生

伍瑞隆二首

瑞隆字國開一字鐵山香山人天啟辛酉舉人除化

州學正累遷河南有懷仙亭章

漁洋詩話東粵詩自屈程梁陳之外又有王邦畿說作王鳴雷震生陳子升喬生伍瑞隆鐵山數人皆有可傳

懷仙

采石長庚客金門太歲精術甯因授得丹豈為燒成酒氣開
雲日詩情破死生寄書曾不到誰遣鶴相迎

長洲煙雨

煙雨濛濛溪水頭長洲莫卽是瀛洲憑君爲撥羣峯看似有
玲瓏十二樓

辛籤卷二十五

八

宋珥一首

珥字林寺萊陽人舉人繼澄子崇禎己卯舉人

在梅溪故舍有感

蘆中窮士泛天涯誰向王孫進白麻孤劍常依江上草故人
應傍日南花五年關塞悲春雨一葉鄉山落暮鴉何處漂零
獨不見於今幾是魯朱家

劉湘客一首

湘客字客生富平人過日集作宜君人諸生唐王立以薦授

汀州推官遷御史桂王時改編修厯中允侍讀侍讀

學士少詹事改僉都御史以事下獄尋釋免官大

兵下桂林匿賀縣山中死

田按客生名在復社

登虔州望江樓

望迷北極連西極
坐看章臺卽貢臺
隔岸下春燈
漸出傍城
古木鳥飛迴
高樓萬里三人醉
叢桂雙江九月開

自知不是漢廷材

辛籤卷二十五

九

